

論

語

詳

解

論語詳解卷十六

郝敬解

季氏第十六 ○魯衛兄弟靈公無道季氏不臣故以相次

季氏將伐顓專 冉有季路見於孔子曰季氏將有事於顓與孔子曰求無乃爾是過與夫顓與昔者先王以為東蒙主且在邦域之中矣是社稷之臣也何以伐為冉有曰夫子欲之吾二臣者皆不欲也孔子曰求周任有言曰陳力就列不能者止危而不持顛而不扶則將焉用彼相去聲矣且爾言過矣虎兕史出於柙匣龜王

毀於楨為中是誰之過與冉有曰今夫顓臾固而近於費私今不取後世必為子孫憂孔子曰求君子疾夫舍曰欲之而必為之辭丘也聞有國有家者不患寡而患不均不患貧而患不安蓋均無貧和無寡安無傾夫如是故遠人不服則脩文德以來之既來之則安之今由與求也相夫子遠人不服而不能來也邦分崩離析而不能守也而謀動干戈於邦內吾恐季孫之憂不在顓臾而在蕭牆之內也

顓臾近魯小國附庸于魯者也季氏專魯欲伐取以自益也將伐尚未伐也冉有子路心知其不可而

夫子首言顓臾封自先王。季氏伐先王所封建之諸侯，是得罪天子也。言東蒙社稷得罪山川鬼神也。社稷指魯也。社稷臣言顓臾近魯爲障蔽也。不曰魯臣者，附庸本諸侯也，各自爲國而寡小。先王體恤之，不使朝貢，以其功庸附大國上達，而顓臾附魯也。是時魯地七百里，故在邦域中。云謀動干戈于邦內，明非敵國外患也。古者名山大澤附庸間田，皆不以封建。近魯本非魯有也。春秋時魯于顓臾已臣畜之，實非先王封建本意。故曰先王以爲東蒙主，曰社稷臣皆微辭。然則公家且不得擅伐，況季氏乎。冉有情屈，諉過

季氏不思臣受主職。主有過。臣焉得辭。引周任言。求
既失職。則當去。又譬司虎兕龜王者。失守則當任其
咎。冉有辭窮。稱顛與爲季氏子孫。愛此其貪。謀可見
矣。所欲者本土地。而不言欲所憂者本貧寡。而託辭
子孫。不知國家不憂貧寡。但憂分數不均。與上下不
安。蓋不均則不和。不安則傾。是可憂也。苟均則各守
常賦。何憂貧而和矣。和則手足腹心相維。何憂寡而
安矣。安則何至于傾覆。何憂于子孫。惟其如是。所以
有國家者。遇敵國外患。未可張皇師旅。但當守均和
安定之業。脩禮義之教。以致其來。既來則撫綏之不

當利其所有。斯善憂國家爲子孫計者矣。今由求相
季氏何能然。時康子伐邾。致吳伐魯。齊人搆怨。敵國
外患多矣。而上下無禮。文德不脩。是遠人不服。不憂
所以來之也。大夫奪公祿。家臣陽虎侯犯公山弗擾
等屢叛。是邦分崩離析。不憂所以守之也。而乃患貧
寡。主臣謀興干戈於邦域之中。不均不和。傾覆之憂
將在蕭牆之內。豈在顓臾乎。未幾哀公以越伐魯。謀
取季氏。三桓子孫先公室微。豈盡顓臾之爲憂。聖言
燭照矣。篇內凡聖言簡約。獨此章累百言。考之春秋
定哀間。無伐顓臾事。豈聞聖言而中止與。

季路年長先敘冉有者首事也周任古良史或云商
大史也凡爲臣量已布陳材力乃就臣列不能則止
勿就也持危扶顛借相瞽爲譬皆周任之言將顛曰
危持使立也仆地曰顛扶使起也扶瞽曰相字从木
目無目扶以杖也爾言指吾二臣不欲之言且轉語
承上周任之言無論不能不止且就爾所言亦過也
虎兇原在柙今出柙外龜玉本完今壞在楨中豈其
自出自壞必有典守者以虎兇喻季氏以龜玉喻東
蒙主也冉有在列視其主爲惡焉得不任其咎乎固
謂負固也費季氏私邑君子疾君子惡也舍曰欲不

明言其貪也必爲之辭託爲子孫憂之飾辭也聞聞古語也不患二語卽所聞也有國謂魯有家謂季氏寡數少也均君十臣一當然之數也貧謂租入薄也
不安謂爭奪也蓋均以下釋所聞之意傾敗也和安生于均故均爲先也魯之不均甚矣季氏尤欲取益焉先儒云有所積重則有所空虛大富則驕大貧則憂亂之所從生也聖人制人道而差上下使富者足以示貴而不致驕貧者足以養生而不致憂則上下相安卽此意也夫如是承上患不均安言惟其如是故不可舍內務遠也文德謂明禮崇義君仁臣忠上

下有章所爲均和之本也。感招曰來不往伐也。措置曰安不奪取也。夫子指季氏責二子不能輔季氏卽責季氏不能保魯也。遠人不服謂哀公七年季康子伐邾邾導吳伐魯。十一年齊人伐魯非獨指顓臾也。邦謂公室分崩謂土地割據四分公家季取二叔仲各取一。哀公八年齊取讎及闡後十五年公孫宿又以成叛于齊皆是也。離析謂人心解散也。陽虎侯犯公山弗擾相繼叛是也。干楯也以禦石矢戈鈞戟柄短旁有刃向下。蕭牆門內屏牆諸侯內屏。

按春秋傳定公十八年子路爲季氏宰哀公十一年

康子召冉求爲宰伐顓臾蓋康子事也故記者首敘冉有聖言專責冉有可知或曰由求仕季氏夫子不與雍柴同止之何也由求之材足以制變不禁其仕望其將有爲也未幾子路果墮三都遇讒夫子諉諸命冉有助季氏爲惡夫子教門人攻之非屬望初意矣道之將廢雖聖人如之何

顓臾風姓子爵伏羲之裔今山東沂州費縣有顓臾故城費詳第六篇○東蒙山卽詩閟宮云奄有龜蒙書云蒙羽其藝孟子云孔子登東山是也在魯國東今費縣西北也先儒又謂禹貢有二蒙山徐州蒙羽

其藝爲東蒙萊州蔡蒙底平爲西蒙○社土神詳第
三篇稷穀神百物生于土而穀以養民功同祀同天
子王社諸侯侯社不預農事無稷大社國社爲民祈
報有稷位稟爲主凡國家稱社稷以土穀爲國之本
也天子祀天地併祀社稷諸侯但祀社稷耳○蕭牆
鄭玄云蕭肅也諸侯見羣臣于此加肅敬也或云蕭
疏也雖蔽內外而可通往來與圍牆異明堂位云疏
屏天子之廟飾蕭牆卽疏屏也○兕野牛一名犀爾
雅云兕似牛犀似猪註疏云兕一角青色重千斤交
州記兕角長三尺餘形如馬鞭柄犀形似水牛三角

一在頂一在額一在鼻好食棘有一角者按詩云匪
兕匪虎老子云兕無所投其角虎無所措其爪蓋猛
獸善抵觸古人取角爲酒器戒爭也詩云兕觥其觶
角可爲觥卽今犀盃謂如馬鞭柄者不似或云兕有
水陸二種太公伐紂師渡孟津號衆云蒼兕蓋水獸
之猛者考工記云函人爲甲犀甲七屬兕甲六屬是
兕犀本二獸也本草云犀雌者爲兕而形異犀似牛
而猪首三角在頂額者以時蛻如鹿有鼻者小不蛻
曰食角二角者謂之毛犀角有粟紋以麤細爲貴賤
文理絕美者謂通天犀胎時仰視天上百物則形于

角是能駭雞分水也

孔子曰天下有道則禮樂征伐自天子出天下無道則禮樂征伐自諸侯出自諸侯出蓋十世希不失矣自大夫出五世希不失矣陪臣執國命三世希不失矣天下有道則政不在大夫天下有道則庶人不議

此夫子作春秋本事天下有道謂西周以前文武成康之天下民無二王禮樂征伐自天子出此古今之通誼也天下無道謂東遷以後王綱不振五霸迭興故禮樂征伐自諸侯出此失禮之常不可一朝居也能保長世乎以春秋計隱桓莊閔僖文宣成襄至昭

定間大率十世而昭公見逐以死是諸侯十世少有不失者矣蓋諸侯既僭天子則大夫亦僭諸侯自然之勢悖理愈甚其運愈促如魯自季文子武子悼子平子桓子已五世而桓子爲家臣陽虎所執是大夫五世未有不失者矣蓋大夫既僭諸侯則陪臣亦僭大夫自然之勢也陪貳也禮諸侯之臣于天子曰陪臣大夫之臣尤陪臣也命政令卽禮樂征伐也大夫之臣執國命顏斂已極少有三世不失者矣當是時三桓專魯六卿專晉田氏專齊衛有孫甯宋有華向此輩皆以大夫爲政春秋襄公十六年書大夫盟是

也故曰天下有道則政不在大夫庶人又自陪臣降
亂極而天子之權散之丘民民心有公道生禮樂征
伐得乎丘民則爲天子大權去天子淪落至陪臣無
復之矣不有公議世道何藉乎故庶民議之亦勢然
也苟天下有道庶人草偃何議之有大抵天無二日
民無二王天下無天子而諸侯欲久留天下之勢自
不可得春秋所以不齒五霸也王降爲霸天下之勢
不至掃地不止庶人所以持其後矣蓋禮樂征伐者
天下之大命命自天降惟天子受天命而在諸侯是
諸侯爲天子矣在大夫是大夫亦爲天子在陪臣是

陪臣亦爲天子。至大夫陪臣亦爲天子。世道尚忍言哉。惟不可捫者庶人之口。三代所以直道而行也。得天下有道。得其民斯得天下。故庶人與天子相終始者也。

有道謂君尊臣卑。道當然也。無道謂君弱臣強。與道反也。十世五世三世皆据往事數之。陪臣執國命。謂春秋政在大夫。谷有家臣爲謀主。如魯南蒯陽虎侯犯公山弗擾佛臚公孫成皆陪臣也。卽季路爲宰。權能墮三都。冉子爲宰。變田賦。伐顓臾。皆主之。孰非陪臣也。三世謂祖孫父子間能免其身。不能保其子孫。

言言解 卷之二十一
考諸春秋隱桓莊閔之世。政自諸侯出也。僖文宣成
之世。自大夫出也。襄昭定哀間。自陪臣出也。夫子因
魯史成春秋。故世運據春秋數之道不行。以無毀譽
之志。寄諸民心。自謂罪我。卽庶人議之也。莊周謂春
秋經世。議而不辯。是也。

孔子曰。祿之去公室。五世矣。政逮於大夫。四世矣。故夫
三桓之子孫微矣。

上章論天下大勢。此章專論魯事。五世四世。據已往
言。祿。謂國稅。斂之曰稅。頒之曰祿。政。謂事權。三家分
魯。故祿去公室。言君不得制其祿也。自宣公奪適東。

門襄仲與季孫行父執國政。至成公朝，行父逐襄仲。季氏遂專魯。歷襄昭定公，凡五世，行父猶稱忠勤。其子武子，其孫悼子平子專恣，故平子之子桓子爲家。臣陽虎所執，桓子死，康子殺適，是後三家遂衰不復振矣。三家皆桓公後，故曰三桓微衰也。大夫旣無君，何以令其下，故不久而失之也。

春秋魯襄公十一年，作三軍，三分公室，三家各一。季氏盡征之，叔孫氏臣其子弟，而以其父兄歸于公。孟氏取其半，以半歸公。至昭公五年，舍中軍，季氏將左師，孟氏將右師，叔氏自以叔孫爲軍，四分公室，季氏

擇取二孟叔各一皆盡征之而稍貢于公此在襄昭世而非自襄昭始也由哀上溯五世則自宣成已然矣

孔子曰益者三友損者三友友直友諒友多聞益矣友便辟避友善柔友便佞損矣

士離羣索居雖有善端之生無君子夾持則萌孽不長故友不可無也與不善人居如入鮑魚之肆久而俱化故損友不可不遠也是非不問曰直見事明曉曰諒諒亮通明也博物洽聞曰多聞慣捷巧滑不觸人忌諱曰便辟輒熟親密工爲妘媚曰善柔捷言利

口長于辭說曰便佞張子厚云便辟足恭也善柔令色也便佞巧言也益如草木之受雨露不見其增有時而長損如膏之迫于火如水之決于風不見其減有時而盡小人易親故不覺而日損君子難合亦不覺而日益求友者當審其微也

凡言三皆再三之意損益非一端舉其甚者非謂獨此三人耳樂愆戒畏亦然朱子云益與損正相反是併六爲三也則損宜云反是惟其不同故各數之直諒多聞非盡善但取益而已直有絞者諒有不貞者多聞非默識也諒有明信二意詳十四篇匹夫匹婦

之諒

孔子曰益者三樂去聲損者三樂樂節禮樂樂道人之善

樂多賢友益矣樂驕樂樂佚遊樂宴樂損矣

樂者意之所安也節禮樂禮樂自有節習其制度聲

容以爲視聽言動之則比禮比樂不可斯須去也禮

器云先王制禮以節事脩樂以道志古者教人揖讓

歌舞皆以節制身心爲學問依據之實地也樂道人

善謂人有善稱誦贊揚不啻口也樂多賢友謂向慕

鄉國天下之善士相與爲友也以此三事爲天下之

至樂者是天下之至益也若夫以驕爲樂倚權怙勢

妄自尊大如大人之巍巍是也以放佚遨遊爲樂如
遊覽登眺流連荒志是也以宴安爲樂沈酣麴蘖聲色
迷心是也此三者人情所謂快心之欲實鴆毒之慘
也損莫加焉

孔子曰待於君子有三愆言未及之而言謂之躁造言
及之而不言謂之隱未見顏色而言謂之瞽

言語一端聖人屢致丁寧語默適時最難況對達人
長者所謂見大賓也尤宜恭慎于此妄發何處不妄
發故當斟酌而言過差曰愆三愆躁爲首後二愆所
以調劑而適中也未見顏色謂言已及而顏色相違

也。司馬光云：人有言如鼓鐘有響，扣之而應，不扣自鳴，鮮不爲妖。故君子察言觀色，慮以下人事。其大夫之賢者，操心當如此，非伺人眉宇，迎合爲恭而已。不然，以言餽以不言餽，是穿窬之類也。

易曰：言行君子之樞機，榮辱之主也。可不慎乎？恒情惟侍于君子，稍能訥默，能充此以往，庶免躁妄。非但謂侍君子時當慎耳。

是子曰：君子有三戒，少之時，血氣未定，戒之在色；及其壯也，血氣方剛，戒之在鬥；及其老也，血氣既衰，戒之在

人身血氣耳無血氣則無此身任血氣則與禽獸同
能調伏血氣卽是克己爲仁齋戒以神明其德也人
少血氣方長未定童心乍開欲竇初啟見可欲則搖
蕩不自持故其戒在色三十以後年壯當事勇往徑
前或失不讓故其戒在關五十以後景逼桑榆砥礪
志灰菟裘自營老耄貪饕恒情也故其戒在得貪求
曰得人老如鐘鳴漏盡豈可更加貪戀惟斷緣寡慾
省事清心爲齊生死之道也血氣卽生理涵養收攝
學問之功不可須臾離非謂少不戒關壯不戒得也
各就所偏因時加謹少好色則亡身壯好關則亡家

老好得則禍貽子孫少戒色則善壯壯戒關則難老
老戒得則還虛蓋養身養德備矣二氏蹈襲爲姪殺
盜爲色氣財亦曰戒夫男女之欲人不能無惟不戒
則爲色任事之勇人不可無惟不戒則爲關資生之
計人不能無惟不戒則爲得不言無而言戒者因其
情節其過耳二氏毀常滅性與聖人異大抵戒者割
截之利劍非蕩平之大師也欲難防而易犯戒易持
而難久必于不覩聞之地養無欲之體陶鎔于詩書
禮樂以變其偏沴之習使德性常主血氣不至跳梁
則累自輕若卒發而強制如捫漏舟原思之不行非

顏子之歸仁也

五官亂心莫甚于目。色者目之賊。嬰兒無知而能視。移心志者色爲先。慕少艾染紛華皆緣目入。故克己四勿先視。不獨悅婦人爲色也。鬪者剛氣觸發。莊生云與接爲構。日以心闢。不獨與人鬪。很爲鬪也。得因我生。我爲窠。曰是生貪執。昔人謂衰至便驕。老人未能謂能。未知謂知皆得也。不獨貪財爲得。聖人無意必固我。無可無不可。七十從心方是一無所得。禮七十老而傳。古者七十懸車不仕。止足之分也。血肉久住則朽。知氣久勞則昏。衰則死死則歸。虛虛則無物。

無物故無得無得而後可以死明者早知夙成不待
既衰而始戒也愚者身命垂盡眷戀不舍富貴則席
勢固寵無勇退之節貧賤則逐逐營營爲子孫作牛
馬不思身非我有而求多于身外計較于死後思長
保不失豈不愚乎人生幼而壯來者日益自無趨于
有壯而老往者日損自有還于無少與世漸密老與
世漸疎達士將老見爲無得故佛氏有六觀之喻無
一法可得爲得法皆吾聖人已言之錯儒者盡割予
二氏諱而不言左矣

老子云含德之厚比于赤子未知牝牡之合而峻

作精之至也。終日號而不啞。和之至也。知和曰常。知常曰明。又曰。專氣致柔。能如嬰兒乎。列子云。人自生至終。大化有四。嬰孩也。少壯也。老耄也。死亡也。其在嬰孩。氣專志一。和之至也。物不傷焉。德莫加焉。孟子亦曰。大人者。不失其赤子之心者也。故戒不及嬰孩。嬰兒皆可為聖賢。其年皆可至期頤。其斷喪始于好色。故其培養始于少。老子云。治民事天。莫如嗇。惟嗇。是謂早服。早服謂之重積德。重積德則無不克。無不克則莫知其極。少不知戒。則當壯不壯。未老先老。學道以身為本。不可不慎也。唐人詩云。昨日流鶯今日

言言言角
蟬起來又是夕陽天六龍飛轡長相窘更忍乘危自
著鞭言好色之當戒也

孔子曰君子有三畏畏天命畏大人畏聖人之言小人
不知天命而不畏也狎大人侮聖人之言

畏是常惺之心君子毋不敬儼若思戒愼恐懼須臾
不可離也天命卽是人性人性萬理咸備天所命也
祝明聰聰君義臣忠父慈子孝惟皇降衷敢不顧諟
乎少有放佚卽是顛越帝命是以君子非禮不動畏
天命也大人德威隆重所謂大夫之賢者卑承尊賤
事貴不肖事賢古今通誼也世道所賴惟各分敢輕

狎之乎。聖人之言，典、謨、訓、誥之類，奉爲師，保守爲著。蔡敢謂空言而忽之乎。一畏天，二畏君，三畏師，無時非兢業之懷。與天合，與大人、聖人同心，所以爲君子。若小人，豈無天命之性，而沈溺於利欲，昏蔽于習氣，醉生夢死，初不知天命爲何物。至于大人名分所尊，狎而玩之，其于聖言、道義所出，謗而侮之，旣不知有天命焉，知有朝廷焉，知有聖賢，放僻邪侈，無所不至，盜跖禽獸不遠矣。是爲小人。

孔子曰：生而知之者，上也；學而知之者，次也；困而學之，又其次也；困而不學，民斯爲下矣。

夫道一而已。聖凡本同。所爭知與不知。知非見解。卽知是行。神氣清明。心境圓融。顯微無間。方爲知。人皆有知。而聖凡不齊。自孩提以來。不離不斷。清明在躬。爲子卽孝。爲臣卽忠。動容周旋。中禮知之最上者也。然不可多得也。存乎人善反耳。苟能博文約禮。由問學以會德性。此學而知之者。雖勉與安不同。而知無二。堯去上焉者未遠也。又有學未卽知。反覆參証。以至困衡之久。始夢斯覺者。難易又不同。然其知亦一。至困衡窮之次。蓋此理人人具足。學則皆可爲聖。其必也。困衡窮之次。蓋此理人人具足。學則皆可爲聖。其必也。困衡窮之次。蓋此理人人具足。學則皆可爲聖。其必也。

民而已矣。記云：學然後知不足，教然後知困。困如人在桎梏中，百方求脫，自有亨通之時。今如醉人不醒，以泥塗為裋褐，尚不知困焉。知學所以為下愚。此章意主勸學，非為辨等。朱註言氣質不同，有此四等。聖人不言氣質，但言習。習即學也。氣質與理非二，離氣質無處有理，即氣質是理。氣質偏蔽，即理偏蔽。如鏡不明，但能刮磨，即鏡是明。更不得分鏡作氣質，又分明作理，存乎習耳。生學困民四者，即一人皆具良心。生也，見聞學也。憤悱困也。暴棄下也。能不暴棄以求憤悱，生知皆可學。所謂下愚不移者，人自不學，學則

無下愚非謂學亦不移也

孔子曰君子有九思視思明聽思聰色思溫貌思恭言思忠事思敬疑思問忿思難見得思義

思者心之官心常存謂之思隨處心存其目有九九者數之聚也陽數極于九九思脩身涉世之要思恭以上所以脩身也思忠以下所以應務也緣引莫如目故視居首大學云心不在焉視而不見聽而不聞心官常思則耳目有主而姦聲邪色不得蔽之是以視明聽聰也色思溫貌思恭所謂動容貌斯遠暴慢也詩云溫溫恭人惟德之基堯舜惟溫恭夫子惟溫

良恭儉讓有道之容無暴厲者矣出言必無欺誑臨
事常恐懈怠理有疑惑則加意詢訪小忿不平則遠
慮患難名利當前則揆度義理思有九而心惟一天
下一致而百慮天下何思何慮學問之道求其放心
而已矣心常在則隨時省察神明兼照大者立示者
不能奪而行無不得故曰思之思之又重思之思之
不通鬼神將通之何但九耳

孔子曰見善如不及見不善如探貪湯吾見其人矣吾
聞其語矣隱居以求其志行義以達其道吾聞其語矣
未見其人也齊景公有馬千駟死之日民無德而稱焉

伯夷叔齊餓於首陽之下。民到於今稱之。其斯之謂與。人品以獨善爲守。以兼善爲通。獨善之人。見善如追。隨不及。見惡惟恐加身。刻勵尚行。真切爲己。比之同流。合汗苟且。摸稜者。誠賢矣。然祇自爲。而于世道生民無濟。耿介之士耳。據耳聞目見。常有之等而上焉。爲經世之大人。其潛脩隱居。非枯寂也。常以民物爲心。尋求大用之志。及其出仕行義。卽達其所志之道。設施有本。推行有序。使教化洋溢。匹夫被澤。是不以功名富貴變塞者也。嘗聞是語而未見是人。蓋富貴易淫。貧賤喪守。古今人不相及久矣。如齊國千乘之

富景公所謂顯諸侯也無一德足稱而泯然以死伯夷叔齊棄其國窮餓于首陽山下到今數百年人稱其德如景公之富行義達道者所以不得見也如夷齊之廉好善惡惡者非其人與潔身本逸佚事故引夷齊濟世須有位故引國君當時國君死無稱不止景公而景公生有顯聲貽謀不殺身死在後其已壯公見然而也為賊臣崔杼所立仰愧夷齊故以相形好善惡惡者常有故以夷齊實之求志達道者不常有故即景公慨之春秋時作者七人夫子所目擊皆好善惡惡者而用行舍藏則夫子自謂與顏淵而已

矣

餓謂不食周祿採薇沒齒非真饑而死也四馬曰駟
一車兩服兩驂爲一乘千駟卽千乘千乘之國賦之
田者也此千駟畜之君廢者也禮云問君之富數
馬以詩詠衛文公秉心塞淵騅牝三千春秋傳謂
其元年董車三千乘季年三百乘之類極言富耳非
實有四千匹也舊本齊景公以下別爲一章然齊上
無子曰字末句其斯之謂與無指自宜合於一章朱
註謂第十二篇誠不以富二句當移置其斯上難從
○按古者甸賦車馬出于民國馬畜于官所以備缺

乏待貢獻賞賜也。据周禮校人養馬，天子馬十二廄。良馬五種，分爲十廄。廄四百三十二匹，十廄共良馬二千一百六十匹。駑馬一種，二廄，其數三倍良馬，則一千二百九十六匹也。良駑十二廄，共馬三千四百五十六匹。此天子之馬也。諸侯馬六廄，視天子少十分之四。卿大夫馬四廄，視諸侯少三分之一。今云景公有馬四千匹，是多于天子也。周禮列國兼併，大夫富于諸侯，諸侯富于天子。周非文武之周，而齊亦非太公之齊也。故相懸如此。雖然周禮未可全据。天子馬十二廄，養馬之官僕夫十人，馭夫六十人，趣馬一

百七十人師五百四十人圉夫二千一百六十人養
駑馬之官馭夫三人趣馬五十八人師一百八十八
夫六百四十八人共官牧三千七百六十七人是人
數反多于馬馬之芻秣取給于甸服而官牧之廩祿
十倍于馬何所取給自天子至諸侯大夫皆有馬如
家馬四閑一良三駑則馬八百六十四匹掌牧者六
百八十三人大國卿祿四大夫其田不過三千二百
畝上農夫可食二百八十八人耳祭祀賓客之需取
給外畜馬八百六十四匹職役六百八十三人何以
廩餼之而諸侯天子可推矣周禮補葺于周衰六國

嬴秦之季諸侯強大比于王者故費汰而制侈官完而事煩考之儀禮卽諸侯大夫一聘而庭實賞賜之馬且數十匹安得不養馬之多乎故三禮之說半非先王之舊矣

首陽山馬融謂在河東蒲坂華山之北河內之中今山西平陽府蒲州是也山在州東南三十里禹貢所謂雷首山也河南偃師縣西北二十五里有山亦名首陽武王伐紂還休師徒于此故名偃師夷齊不宜于此隱許慎謂首陽山在遼西卽今永平府古孤竹國之墟近是馬融據唐風采芣以晉雷首當之耳

陳亢問於伯魚曰子亦有異聞乎對曰未也嘗獨立鯉趨而過庭曰學詩乎對曰未也不學詩無以言鯉退而學詩他日又獨立鯉趨而過庭曰學禮乎對曰未也不學禮無以立鯉退而學禮聞斯二者陳亢退而喜曰問一得三聞詩聞禮又聞君子之遠矣其子也

有異聞疑聖人私教子也獨立夫子獨立也堂前地曰庭趨疾行也禮堂上不趨堂下布武所尊在上過之必趨不敢翔行也獨立獨趨言時可以私也詩禮聖人所雅言也詩可言禮可立聖教之常也詩溫柔故學以出言禮莊敬故學以自立兩獨立兩趨過明

終無異聞也。遠其子，謂家庭父子不羣居，不狎語。父立則獨，子過則趨，學則退處，日不數接，所謂遠也。易稱父爲嚴君，禮士以上父子異宮，不狎暱也。

子禽識卑，故子貢答問政，答賢于仲尼，皆有不屑教誨之意味。伯魚之對，忠信誠懇，無忝聖嗣兩退而學克負荷，可知士貴愛教，不然雖賢父兄無益。伯魚所以賢也。

禮檀弓：陳子車死于衛，其妻與其家大夫謀所以殉葬者，克至，以告曰：「夫子疾莫養于下，請以殉葬。」克曰：「狗葬非禮也。」雖然，彼疾當養者，孰若妻與宰，得已則

吾欲已不得已則吾欲二子者之爲之也於是弗果
用觀此亢亦知禮能言者夫非伯魚導之使學與

邦君之妻君稱之曰夫人夫人自稱曰小童邦人稱之
曰君夫人稱諸異邦曰寡小君異邦人稱之亦曰君夫
人

此焉春秋諸侯多內寵奪嫡故記邦君之妻四字便
是正名惟其爲君妻故稱如下所云名正則言順也
夫人謂德比丈夫猶言女士也小童謂寡小無知如
童蒙也邦人本國臣民也稱諸異邦亦謂邦人稱之
也類夫楚莊出使他邦致辭之類非夫人自稱也夫

人無越國亦無有自稱爲君者。曲禮襲用此文。謂夫人自稱于諸侯曰寡小君。誤也。此因上章學禮學詩類記之禮。莫大于名。故天子教伯魚學二南禮自閨門始也。

仁山金氏曰。天地之間。尊者貴。女子貴者。方得比于男子。故夫人自稱曰小童。比于小男也。大夫之妻曰孺人。亦比于小男也。公侯之妻曰夫人。夫則比于男子。矣。至天子之妻。始曰后。直比于繼體之君矣。或曰。天子之配曰后。言在后。不敢副也。諸侯之配曰夫人。言扶助其君也。卿之配曰命婦。言從夫受命于朝。

也。大夫之配曰內子。言在閨門之內也。庶人曰妻。妻
齊也。齊等也。大抵此篇所記多等級名法。故稱孔子
以正之。篇首季氏伐國。繼以天子諸侯禮樂征伐得
失。大數言三言九。皆名法之類。

卷十七

郝敬解

陽貨第十七○季氏大夫也。陽貨陪臣也。故相次。陽貨欲見孔子。孔子不見。歸孔子豚。孔子時其亡也而往拜之。遇諸塗。謂孔子曰。來。予與爾言。曰。懷其寶而迷其邦。可謂仁乎。曰不可。好從事而亟失時。可謂知乎。曰不可。日月逝矣。歲不我與。孔子曰。諾。吾將仕矣。

陽貨執魯政。在夫子未仕之先。故以士待夫子。而以大夫自處也。虎本家臣。非大夫。惟天子之卿大夫。比外諸侯。其家臣比外大夫。魯公室僭天子。故三桓僭

諸侯其家宰亦僭大夫檀弓所謂家大夫也禮大夫有賜于士士詣大夫門拜陽貨欲孔子仕已致孔子來見藉聖人以取重于國人耳夫子知其將爲亂不欲見之貨瞰夫子出以豚肉來歸歸猶納也與餽通不曰餽而曰歸主人出而納于其家因未得拜也小豕曰豚時亡卽瞰亡也出外曰亡不曰瞰而曰時者貨以亡來夫子以亡往適其時也亡而後往本不欲見之意也遇諸塗夫子自貨家還貨自外至野會曰遇也來與爾言倨慢之辭也懷其實謂夫子懷藏道德如珍寶也迷其邦謂坐視邦國之昏亂也可謂仁

言不憂國愛民不仁也。好從事欲有爲也。亟失時是
失機會。諷夫子附己也。可謂知言不智也。兩曰不可
皆貨自言。末句加孔子曰。別之也。聖人待惡人盡禮
稱情含容不迫。所謂危行言孫。默足以容也。楊雄以
爲詘。未知聖人者也。

孟子云。陽貨欲見孔子。而惡無禮。大夫有賜于士。不
得受于其家。則往拜其門。陽貨瞰孔子之亡也。而饋
孔子蒸豚。孔子亦瞰其亡也。而往拜之。孟子敘事詳
明。此章惟以一歸字。時字。括之。較精核。夫子嘗見南
子。以君夫人有見之禮也。而陽貨不見者。爲其爲亂

賊也。及饋來亦見見時其亡亦不遽見也。塗遇不避不必絕也。是謂比義。或曰時亡往拜非詐乎。曰大信似詐大直似枉亦猶當諱而諱隱卽直也當報而報私卽公也。識此便是無意必固我。孟子謂聖之時此亦足覘矣。懷其寶二段與子言惟求則非邦二段語勢相似。彼皆夫子語此皆陽貨語也。加曰字與管仲不死曰未仁乎皆自斷語法。兩不可甚摸稜非聖人應對之辭。豈其漫無可否而以不仁不知冒自任乎。末句乃稱孔子曰甚分曉。

陽貨事季孫意如意如逐昭公外結諸侯內彌縫國

人卒使昭公客死于外廢其二子援立定公皆意如
爲之也所託心膂孰如陽虎者乎意如死虎反噬其
孤輕魯無人以強公室爲名欲脅其主而除三桓小
人變詐之尤者故夫子作春秋書曰盜而相與之際
委蛇盡禮又如此聖人應變之權坦易之度無可無
不可疾惡者不必爲夫子解朝而尊聖人者亦不必
爲夫子增氣先儒云惡人旣惡矣過示其誅不能加
也聖人旣聖矣附會其說亦不能加也知言哉

陽虎字貨初事季平子定公五年九月囚季桓子及
公父文伯逐仲梁懷殺公何藐盟桓子于稷門之內

逐公文文伯六年八月盟魯公及三桓于周社盟國
人于亳社誼于五父之衢八年九月劫公與武叔伐
孟氏公斂處父敗之虎入公宮取寶玉大弓入謹陽
關以叛魯人伐之虎奔齊齊景公囚之而逃奔晉依
趙鞅孔子曰陽虎親富而不親仁趙鞅好利而多信
必溺其說而從其謀禍敗所終非一世可知也

日者羣陽之精陽氣實字象形日形實也積陽之熱
氣生火火氣之精爲日故陽燧見日燃而爲火晝者
陽之分夜者陰之分夏陽盛故晝長冬陰盛故夜長
晝短行陽之道日出于卯酉之北行陰之道日出于

卯酉之南。春秋陰陽等。故日行中道。晝夜平。日在牽
牛則寒。日在東井則暑。牽牛水宿。宿外遠人。故寒。東
井火宿。宿內近人。故暑。○淮南子云。日出于暘谷。浴
于咸池。拂于扶桑。是謂晨明。登于扶桑。爰始將行。是
謂朏。非明。至于曲阿。是謂旦明。至于曾泉。是謂蚤食。
至于桑野。是謂晏食。至于衡陽。是謂隅中。至于昆吾。
是謂正中。至于鳥火。是謂小還。至于悲谷。是謂備時。
至于女紀。是謂大還。至于虞淵。是謂高春。至于連石。
是謂下春。至于悲泉。爰止其女。爰息其馬。是謂懸車。
至于虞淵。是謂黃昏。至于蒙谷。是謂定昏。入于虞淵。

之汜曙于蒙谷之浦。○月者太陰之精，陰氣虛字象形。月形闕十五後，光漸滅也。淮南子云：積陰之寒氣爲水，水氣之精爲月。故潮有大小，月有盈虧。日如火施光，月如水含影。佛書云：海中有魚鼈等影，入月輪。故月有黑影。呂覽云：月望則蚌蛤實，羣陰盈。月晦則蚌蛤虛，羣陰摯。月形于天，羣陰化于川也。月形圓質，清日照之則光生，故朏生于向日。日光所不照處則暗，故魄生于背日。望之日月相對，人居其間，盡覩其明，故形圓。二弦之月，日照其側，人觀其旁，故半明。半魄晦朔之月，日照其表，人在裏，故不見。稟日以照夜。

日女主之象也。比德則形罰之象也。列之朝廷。諸侯大臣之象也。是以近日則光斂。猶臣近君卑而屈也。遠日則光滿。猶臣守道循法。蒙君榮華而體勢伸也。當日則蝕。猶臣僭君道而禍至覆滅也。盈極必缺。陰不可久盈也。當晦而月見西方謂之朏。朏上當聲朔而月見東方謂之側匿。光盡曰晦。晦灰也。如火成灰也。復生曰朔。朔蘇也。死復生也。光半曰弦。一旁直一旁曲。如弓弦也。光滿曰望。與日遙相望也。

歲年也。五行木星曰歲。周天十有二次。木星十二年一周天。每行一次則四時功成。故謂年為歲。於文未

千爲季。戌步爲歲。歲取木行一次。年取禾生一熟。載取物終更始。祀取四時一終。

小豕曰豚。一曰穀。朴豕生三月曰豨。莫六月曰豮。宗

三歲曰豨。豨五尺曰豨。犬豕曰豨。厄壯豕曰豨。假求

子豕曰豨。豕毛怒豎者曰豪。豕息曰豨。意關東謂豕

爲豨。吳謂豨。楚謂猪。養豕謂豨。祭祀豕謂剛鬣。豕多

肉少骨多生息而寡食物。故人畜之。喚豕曰豨。龍

子曰。性相近也。習相遠也。子曰。唯上知。去與下愚不移。

此承上章陽虎不仁類記之。性卽人仁義禮智之心。

相近卽孟子所謂人無有不善也。第云相近者。對習

遠而言也。非微有不同之謂。相近卽是同。然世間實
有一種不善之人。說者疑性未必相近。不知所不相
近者。非性也。習也。慣熟曰習。猶習氣。習俗之習。習緣
于有生之後。性本乎夫。在人爲不覩不聞。喜怒哀樂
未發之中。卽性之體也。一物不雜。是曰至善。情識旣
感。耳目旣加。物交緣引。日積月累。逐妄迷真。遂與善
相遠。而反觀天命之初。堯舜與桀。蹠同耳。相近者而
使之相遠。則習之移人。豈不甚哉。習于不善。雖智者
移而爲愚。惟生而知之者上也。性定而不可移于下。
習于善。雖愚者可移而爲智。惟困而不學。民斯爲下。

通言集 卷二 二
矣習成而不可移于上世多中人有志爲上不欲爲
下在慎所習耳唯者言他皆可移也上智卽性下愚
由習上智性定不遷下愚習往不返性本善而習不
善性常不動而習自遠也不移成上智下愚非謂上
智下愚而後不移也移存乎習此爲習遠者戒非爲
性近者開岐路也遠也下多子曰二字或非一特語
與善人吾不得而見章同

性無不善而習有善不善此千古言性之定論也孟
子性善之說出于此相近卽是善相遠謂有不善者
習移之也唯上智與下愚不移謂習能移人人當慎

習也。孟子論牛山之木，論凶歲，子弟入皆有不可
及生，我所欲等章，性善之說詳矣。其所謂旦晝之
萬鍾，不辨禮義，納交要譽，皆氣質習染使然。世儒謂
論性不論氣，不備。以夫子言相近為氣質之性，孟子
言善為理義之性，夫性豈有二？何性無氣質，何氣質
無禮義？聖人言習便已，包氣質性無為而習有為。凡
有為即氣質也，性非滅習而起，習者皆性習不離性
而移性者惟習，性本定而習常移，習不定而性亦不
能為主矣。然習雖萬變而性常不死，孟子謂夜氣平
旦幾希與人相近，終不得謂性為相遠，此也。凡聖賢

言性與二氏異二氏言性以清虛寂漠爲主故儒者
外加氣質填補聖賢言性萬物皆備于我矣以盡人
盡物贊化育參天地爲盡性故曰微之顯隱之見費
而隱合外內之道也氣卽是理知卽是行習卽是性
天下無道外之事物無性外之道故曰天下之言性
也則故而巳矣雖允流百家無非性之故但有利與
鑿之分率性曰利利則爲善戕賊曰鑿鑿則爲惡皆
習也性惟備萬物所以不能離習惟不離習所以不
能皆善易曰愛惡相攻情僞相感近而不相得則憂
或害之皆習也非性之咎也習有善有惡此相遠之

習畧重惡邊明性之所以有不善也

或問性曰性者心之生理問心曰心者性之宅舍言
心而性已具程子云心統性情者也朱子云心者人
之神明具衆理而應萬事神明者性也易卦離爲心
離明也卦外畫實象血肉之心內畫虛象神明離爲
火古文心如倒火藏明之象性卽所藏也或問情曰
情由性地發生如草木出地文从青木氣也性由情
顯火附木生問意曰意者和合性情者也性靜爲無
情動爲有動靜有無皆由意文从音誓曰醜从意皆
所以爲和也故道家謂意主比和屬土心火生情木

爲主氣而并統于心。或曰：若是言心可也，必言性何也？曰：性生也，天德之大德曰生，人物得之爲性。性在則心生，性亡則心死。不言性無以見生生之心。人物皆有性，鳥性飛，獸性走，草性夭，木性喬，火性熱，水性寒，金石性堅，皆性也。而心惟人最靈，鳥獸乃蠢，草木土石乃無心。故言心則不該言性，則徧滿矣。或曰：若是則言性足矣。又言心何也？曰：言心貴人也。人首庶物其精靈，雖心心生爲性，故曰：仁入心也。性卽仁也。心在人身內，如果實仁在甲內，心當人身中央。如果實仁在果中央，中央曰心中，爲未發。天下之大本也。

仁爲生意。天地之大德也。德以凝道。人能弘道者。心也。言性以表心。言心以表人也。或曰。若是何不直言心相近而言性相近。曰。心兼形神爲言也。形有礙而性虛。虛則靈蠢同歸。前所謂言心則不備。言性則徧滿者也。或曰。何謂性善。曰。孟子言之備矣。善與性非二也。性卽善。善卽性。一物不雜之謂善。詩云。惟天之命。於穆不已。上天之載。無聲無臭。不亦善乎。易曰。繼之者善也。成之者性也。又曰。元者善之長。仁也。中庸言明善。大學言止至善。皆言性也。子思云。天命之謂性。喜怒哀樂未發之謂中。中卽善也。故孟子以仁義

禮智言性。孟子之言出子思。子思之言出夫子。夫子之言出義文。性善同也。佛氏以妙淨不染爲性。老氏以自然無爲爲性。皆襲性善之旨也。樂記云。人生而靜。天之性也。不死之謂生。不動之謂靜。不死者。生之烝也。不動者。烝之初也。勿論人。且譬諸物。勿論物。善且譬諸物。不善。毒草。猛獸。方其含芽。啟莖。陽春佈德。朕兆初萌。普同生烝。荆棘與桃李。鳥鼠與靈爵。皆含元始。天無二命。物無二性。豈生稂莠者一天。生嘉穀者又一天邪。豈天以一命命龜龍。又以一命命虺蛇邪。迨夫有生之後。形分氣殊。風日之所吹。暄雷雨之

所滋蕩各諧其所適。因緣漸染鼠習爲偷。梟習爲鷙。虎狼習攫殺。蜂蠆習螫毒。枳棘長而刺生。藤葛久而蔓成。美惡豐儉聲色臭味區以別矣。故曰少成若天性。習慣成自然。毒草猛獸猶若此。而況嘉穀與牧畜乎。故孟子謂麩麥播種而耰之。其地同樹之時又同。至于日至之時皆熟矣。其有同地有肥磽。雨露之養。人事之不齊也。夫麩麥之生。性之相近也。雨露人事失宜。習之相遠也。其在于人。赤子無爲性也。終身爲盜蹠習也。其在一日。平旦清明性也。旦晝梏亡習也。其在一事。思慮未起性也。施爲不檢習也。靜中一

念妄動卽是習。動中一念主靜卽是性。性非空寂。依性起習。習雖膠轕卽性在中。聖賢不無習而性常存。衆人慣所習而性迷亡矣。流移遷徙不自知。而反諸初生。聖凡未分。何遠之有。或曰。若子言性與告子生之謂性。何異。曰。告子生之謂性卽是性相近也。祇緣不知習相遠。所以成誤。性不離習。習與性非二。凡氣與理非二。知與行非二。上與下非二。內外顯微體用精粗一切非二。告子之學偏主仁內。而以義爲外。不著不察。內見性而外不見習。故黑白不分。馬牛不辨。人物無等。是以孟子非之。及孟子自言亦曰。形色天

性也夫非以生之謂性邪聖學無偏上所以言性必
言習善惡分段自明後世理學如告子禪宗偏上所
以無實用也或曰請言習曰習之言俗也詩云習習
谷風在上曰風在下曰俗風者不知所自起俗者庸
衆所共趨也故衆所便曰習俗已所便曰習氣聖人
時習學者傳習習于善者也相遠之習則意之所偏
情之所勝見聞之所引誘恣縱馳騁放而不求無始
以來之習氣同流合汙之習俗也終身由之而不知
故習如水之就濕如火之就燥機順勢便不可以不
克也習與克相反克逆而習順也克爲復習爲已克

已爲仁反習爲見性顏子非禮勿視勿聽勿言勿動
逆也目之於色耳之於聲口之於味四體之於安佚
順也故佛氏以逆流爲歸元老氏以逆轉爲還丹要
非二氏之言也子云易逆數也數往者順知來者逆
履霜堅冰至蓋言順也故習不可順之也能克則反
習爲善君子上達也不克則沿習爲不善小人下達
也性純任天天同故近習純任人人私故遠孟子云
雖存乎人者豈無仁義之心哉其所以放其良心者
猶斧斤之於木也旦旦而伐之可以爲美乎旦旦而
伐卽是習良心卽是性心與性有二名無兩體也卽

心是性。離血肉無復有理。理離事則成素隱。世儒以致知爲入門。與行爲二分。事理作兩截。顯微隱見不得歸一。學所以偏上也。朱子泥一近字。謂此章之性兼氣質。祇因他處偏執理于此增氣質。明其相近而不甚相同耳。不知理義除却氣質安頓在何處。調伏氣質卽是理義。非二也。夫子言性欲人以性化。習性現則習自正。言習欲人反習。歸性習正則性自還。衆人皆有性。聖賢亦有習。人生世俗中如魚生水中。事理原不相離。聖賢以性地爲依歸。大本立達道行。故習不能移。所謂中不倚和不流。從心所欲不踰矩。是

謂上智衆人隨俗波靡大體從小體行不著習不察
終身由之而不知日用飲食凡民耳是謂下愚上智
卽所謂生而知之者上也愚古之疾古之愚也直詩
云靡哲不愚柴愚回愚非君子所惡也能學卽夫困
學又次雖愚必明何至于下惟困而不學故曰下愚
也顛蒙不知有禮義師保之訓所以終身淪沒不可
列于士林與小人居之不疑不可與入于堯舜之道
同也上智不可移而使之下者性也涅而不緇磨而
不磷是也下愚不可移而使之上者習也自暴者不
可與言自棄者不可與有爲是也上智者少不慎所

習皆可使遠。下愚者多善友所習，皆可使近。惟其習不可移，所以知獨爲上。惟其任習不移，所以愚獨爲下。二語申明習之所係重也。語云割而不舍，馬鬣截。玉習者，重復不止。移者，漸往不覺。故曰習俗移人。賢者不免此之謂也。或曰性旣近焉，可移曰性不移。習自移也。遠與近，機不在性而在習。如岸不動而舟移，如同居比鄰居者不動而行者自遠。今日五里，明日十里，又明日二十里，以至百千萬里，風馬牛不相及，而家鄉自在也。上智不移，不可移而往下。愚不移，不肯移而歸。歸則何遠之有乎。雖然亡命之徒，亦有並

徙其宅者矣。習惡之人亦有並移其性者矣。如水性下。桔槔可使上。金性堅。鍛鍊可使柔。螟蛉桑蟲。果羸負歸而生羽翼。橘過江化爲枳。桃李接而華改。孩提無不知愛親。若襁褓過繼。少適他邦。則父母兄弟爲路人。此習之移性也。物爲甚。人雖弱。喪有告以父母兄弟。故國無不愴然。思慕出涕者。此性之相近也。然亦有亡命之兒。過繼之子。人告以父母兄弟。晏然不置懷者。此乃所謂下愚不移也。皆習使之。豈其性然乎。故曰性相近也。習相遠也。嗚呼。佛老猶知性之善。而號爲儒者。反謂性爲惡。是何言。是何言。

此篇所記多變化之理。皆習之移人者也。如陽貨公山佛肸。小人穿窬。鄉原鄙夫。飽食好勇。爲亂爲盜。六蔽七惡。小人女子。以至宰我。短喪皆習移而之不善者也。學道行仁好學。興詩立禮成樂。皆習之移人而爲善者也。天道無言。時行物生。聖人無類。磨涅不改。是變化之宗。天命之性。上智之不移者也。

子之武城聞弦歌之聲。夫子莞緩爾而笑曰。割雞焉用牛刀。子游對曰。昔者偃也聞諸夫子曰。君若學道則愛人。小人學道則易使也。子曰。二三子。偃之言是也。前言戲之耳。

子游宰武城以禮樂教民使邑人弦歌蓋本古人春夏教禮樂秋冬教詩書之意也弦謂琴瑟古人鼓琴瑟則歌堯爾微笑貌細蒲曰堯小而柔故爲和悅之名割殺也雞牲之小者牛刀殺牛之大刀喻邑小而用大教也道謂禮樂也孝弟忠信禮樂之實也弦歌禮樂之器也禮器云先王制禮以節事脩樂以道志夫子所謂道之當學者本非器數之謂也君子謂士大夫也小人謂庶民也君子學道則有萬物一體之懷所謂豈弟君子民之父母也故能愛人小人學道則有循理守分之思所謂溫溫恭人惟德之基也故

易使子游以弦歌爲學道解釋牛刀之譏。據其所述本自正理。夫子不復置辭。第呼二三子是之。轉以已言爲戲。夫聖人論治與論道。豈有戲謔之言。所謂戲者。與答子路無所取材。答子貢。吾與女弗如。答黨人。吾何執。答荷蕢。果哉之類。皆渾然不露。而囊括甚深。未可膠柱解也。君子學道二語。自是君師軌範。不易之定論。子游述所聞。未爲不是。而以弦歌當禮樂。爲學道。實非夫子禮云樂云之意。昔者舜命夔典樂教。胄子。夏后氏學稱瞽宗。以樂師爲學官。周禮以太司樂掌學政。古人用樂爲教。誠有之比。及周衰五霸亂。

詩亡樂缺。魯以文獻之邦。大夫歌雍舞八佾。樂其可知矣。上無禮。下無學。干戈擾攘。生民塗炭。二百餘年。夫子思善人爲邦百年。而後勝殘去殺。如有王者。亦必世而後仁。庶乃議富。富乃議教。故孟子與齊王言樂曰。百姓聞王鐘鼓之聲。管籥之音。疾首感額而相告曰。夫何使我至此極也。父子不相見。兄弟妻子離散。此救死而恐不贍。奚暇治禮樂哉。是故制產樹畜。興利除害。王道之始也。庠序學校。王道之終也。魯襄公十九年。城武城。備莒也。哀公八年。吳伐魯。克武城。蓋疆場之地。民數苦兵。今不務除其苛政。而寬舒。

寡其征徭而休息之勸其力本節用而繁阜之遠教
以弦歌譬如海錯充饑所美非所需故夫子莞爾而
嘆割雞也或曰禮樂不可斯須去身豈得不教曰所
謂不可斯須去身者非弦歌之禮樂也君子小人不
可斯須無禮樂而可終歲無弦歌若是民間偶然弦
歌夫子何須驚嘆若是邑宰教民則弦歌不止一家
舉疲敝失所之民四境弦歌猶未立求行見卯求時
夜者耳子賤宰單父師事而稟度者五人夫子嘆曰
惜哉所治者小所治者大則庶幾矣與嘆割雞意正
同然則何爲喜而笑是時民生愁苦呻吟聞此希聲

誰不被頽悲極而喜猶杜甫云驚定還拭淚云爾如
西行獲麟非不祥也而反袂拭面涕泣沾衣一喜一
憂兩情正同夫禮樂積德而後興唐虞之世堯未嘗
言樂也至舜末年夔乃擊石拊石君臣喜起賡歌百
年而後興禮樂堯舜猶然而況區區武城擾擾亂離
之秋欲效南風鼓琴不已驟乎以是謂之牛刀割雞
也割雞自有刃此言非戲聖人惑學道者惑而廢業
故以偃言為是自以其言為戲夫前為戲言則後為
實語愚謂前為實語後為權辭耳

爾雅云雞大者曰蜀蜀子曰雞未成雞曰健絕

有力曰奮。廣志云：雞大者蜀，小者荆。莊子云：越雞不能伏鵠卵。魯雞固能矣。然則魯雞大，越雞小也。古有祝公者，居尸鄉，善養雞，故俗呼雞曰祝。祝一作州，或作朱。雞之言佳也。善爲人制早晏之期，故佳之雞爲陽精。南方之象，故陽出則鳴，以類感也。禮宗廟之祭，雞曰翰音，言其鳴聲長也。故楚歌謂之雞鳴歌。韓詩外傳云：田饒事魯哀公，而不見察，謂哀公曰：君不見夫雞乎？頭戴冠者，文也；足搏距者，武也；敵在前敢鬪者，勇也；見食相呼，仁也；守夜不失時，信也。雞有五德，君猶日淪而食之，以其從來近也。夫鵠無此五德，君

貴之以其所從來遠也。○牛，說文云：物，萬物也。牛為

大物，天地之數起于牽牛，故物字从牛。史律書云：牽

牛者，陽氣牽引萬物出之也。牛者，冒也。言地雖凍能

冒而生也。牛者，耕植種萬物也。故生从牛。世本云：黃

帝臣胘始作服牛。山海經云：稷之孫曰叔均，作牛耕。

牡牛曰犗。特一曰犗。牛子曰犢。牛鳴曰牟。牛息曰犂。

八歲牛齒具曰犗。犗牛羊無角曰犗。角長曰犗。粗宗

廟之牛曰一元大武。元首也。武足跡也。色純曰犧。

公山弗擾以費。私畔召。趙子欲往，子路不說。悅曰：末之

也。也。何必公山氏之之也。子曰：夫召我者，而豈徒哉。如

有用我者，吾其爲東周乎。

公山弗擾，季氏家臣，與陽虎共執季桓子，及虎敗亡，弗擾以費畔。事在夫子未宰中都爲司寇之先，弗擾以強公室爲名，召夫子，蓋季氏之不臣，人情所共憤也。魯事反常，欲救魯須用權，權非聖人不能用也。當時聞召無拒志，似欲往者，聖人道大德宏，與人爲善，苟以是心至，斯受之矣。老子謂百姓注其耳目，則聖人皆孩之，此也。二三子負氣執節，莫如子路，與聖人行權處常相牴牾，故不悅而有閒言，末之猶言無往也。天下無道，天子諸侯旣無一可矣，況於陪臣，又況

于叛臣此其不悅良是但聖入之心未易語人聖人之量未許同人聖人之行止亦非率爾也故不言其往不往而第云召我用我我者不同于人之辭也卽後章堅白自信之意我可必諸我而用我存乎其人如有二字甚圓活因公山氏而包舉魯也但用我則國勿論大小地勿論東西道勿論今古在昔文武以岐豐百里爲之而成西周我今卽以此爲之而成東周不亦可乎所患無真能用我者耳由但當爲用者慮勿爲我慮也魯在東故曰東周要之弗擾豈真能用夫子者而聖人樂行愛遠之志悠然可想篇中此

等處不主記事。主爲聖人傳神。此篇以陽貨題名。表當時陪臣執國命。否運已極。聖人變化猶龍。所以處亂世亂人者。迥出常情之外。非可以蠡測也。惟有子路壁立千仞之氣。乃敢伐鼓雷門。子曰。自吾有由。惡言不至于耳。此類是也。記者不言其終不往。而特記其始欲往。見聖人無可無不可。云爾。善讀者須參伍會通。無此力量。亦當有此見解。不然。踽踽涼涼。一迂措大耳。大抵天生聖賢。與佛老異。佛老惟自爲聖賢。爲斯世斯民論語二十篇。講學則論政。言志則爲邦。脩己則安百姓。爲仁則通天下。自古列聖開物成務。

無非爲天下而所以爲天下在得位易云聖人之大
實曰位位有三繼世爲天子一也始基命有天下二
也遇王者爲名世三也孟子謂堯舜至孔子其間五
百年一聖人聖人出則必得位堯繼世爲天子者也
舜禹受禪湯武征伐皆始基命者也伊尹周公皆逢
聖王爲名世者也天縱仲尼德同舜禹生不逢唐虞
爲匹夫無湯武之資然三千七十士從之如雲車跡
所至風行草偃與舜一年成聚二年成邑三年成都
不殊而深自韜晦席不暇暖當世人不識也使夫子
嘗曰春秋時欲自王如三代以下創業之主優爲而不

爲志欲得一國一君行義達道以濟天下于順治故
曰苟有用我者期月而已可也三年有成居常每思
周公曰甚矣吾衰矣久矣吾不復夢見周公又曰文
王旣沒文不在茲三分天下有其二以服事殷可謂
至德也已泰伯以天下讓亦曰可謂至德也已矣謂
武曰未盡善也其志可知不得爲舜禹則欲爲伊尹
周公而不肯爲湯武者仲尼之志也卒不遇而有公
山佛於之召世道愈卑興衰之權下出陪臣而欲往
者示世道無俚之至非真往也或曰若真往奈何曰
湯起七十里周起百里一旅一成古人以興諺云一

星之火能燒萬仞之山一匕之藥能回九死之命惟
聖人能之子貢謂夫子之得邦家立之斯立導之斯
行綏之斯來動之斯和孟子謂伯夷伊尹得百里之
地皆能以朝諸侯有天下況夫子乎欲爲東周一費
足矣然而未免以費爲殷毫爲周鎬征誅以得之所
以卒不爲而寧以其業託諸吾黨功賢于堯舜者此
也其欲往叛臣見女主亦君喪存海之意云爾
公山弗擾左傳作公山不狃字子洩與侯犯皆陽虎
之黨相與謀季氏定公五年六月季平子行東野還
未至卒于房陽虎將以璠與斂仲梁懷弗與曰改步

改玉陽虎欲逐之。告弗擾。弗擾曰：彼爲君也。子何怨焉？旣葬桓子，行東野。及費，弗擾爲宰，逆勞于郊。桓子敬之勞，仲梁懷、仲梁懷弗敬。弗擾怒，謂陽虎：子行之手。陽虎遂囚桓子，與盟而後釋之。八年，又與陽虎謀殺桓子，事敗。虎出奔，弗擾以費叛，召夫子。時夫子猶未宰中都也。至十三年，季氏用子路計，將墮費。弗擾與叔孫輒率費人襲季氏，不勝。二子奔齊，復奔吳。此夫子旣爲魯司寇時也。由此觀之，公山非叛魯，叛季氏也。故季桓子用孔子，亦非真能用。迫于陽虎、公山諸人之亂也。子路墮三都，亦乘陽虎、公山之亂墮之。

也可以窺聖賢用世之權而道之終不行。魯君臣之終不可有爲。何待齊人女樂之至而後知乎。○左傳吳王將伐魯。問于叔孫輒。對曰。魯有名而無情。伐之必得志。退而告弗擾。弗擾曰。非禮也。君子違不適讐國。不以所惡廢鄉。今子以小惡而欲覆宗國。不亦難乎。若使子以辭。王將使我。吳王問于弗擾。對曰。魯雖無與立。必有與斃。諸侯將救之。未可得志。三月。吳伐魯。使弗擾率弗擾。故由險道從武城入。使魯知備。由此觀之。弗擾亦知禮者。故先儒謂弗擾有全魯之善。而不免爲叛人。蓋有魯公在。而稱兵國中。投鼠不忌。

器故不得不謂之叛。然而季氏亦可叛也。鋤強臣，張公室，舉非無名。夫子所以猶欲往耳。陽虎欲見則不見。公山召而往，其人賢于陽虎，亦可知。

子張問仁於孔子。孔子曰：能行五者於天下，爲仁矣。請問之。曰：恭、寬、信、敏、惠。恭則不侮，寬則得衆，信則人任焉，敏則有功，惠則足以使人。

仁，人心也。仁者以天下爲一體，心一息不與天下斷，則痿痺不仁。要其本不在天下而在心。操舍無常，得此失彼，則精神不貫。苟能兼行五德，達諸天下，隨事隨處，天理周流，則吾心與天下通。天下與吾心通而

仁矣。五者天地之成數于天下者無遠弗届也。因子張好行好達，誘之使行，故子張欣然請問恭、寬、五德。在己者也不侮，五徵在天下者也。五德行然後五徵見而一體之仁成矣。仁本混同，非五德條理不貫。五德川流而仁爲敦化也。謙遜曰恭，容蓄曰寬，誠實曰信，勤作曰敏，恩澤曰惠，恭貌也，寬量也，信心也，敏事也，惠施也。五者皆以濟堂堂之過，收斂而就實也。信居中于五行爲土，德之基也，恭寬由內，敏惠達外，信爲中主也，不及智者行卽知也，知而不行則蕩。堂堂者所以過也，惠與寬異，寬主容，惠主施。孟子云：分人

以財謂之惠。惠以酬勞。故人樂爲役也。五者有序。謙
恭者或迫狹不寬。寬弘者或浮汎寡信。信實者或遲
鈍不敏。敏急者或峻刻少恩。恭則我不侮人。人誰我
侮。寬則我能容人。人在容內。故得衆。信則我不欺人。
人自倚仗。敏則事無闕茸。天下享其成功。惠則有以
酬人之勞。人樂爲用。此實心實事。能行于天下。則存
體應用元氣周流。物我無間。而一體之仁備矣。蓋聖
學事理合一。後儒偏主理。幾同禪寂矣。記者記此于
公山佛肸間。見聖道蠻貊可行。放之皆準。惟其仁耳。
子張才高。器宇恢廓。聖人因材而篤。屬望甚遠。與告

問仁問達問從政皆極委悉教顏子爲仁外無如此
備矣五德五效所謂家邦無怨天下歸仁孟子謂仁
者無敵其身正而天下歸之仁爲尊爵爲安宅不越
此理大抵子張多闊畧聖言每精詳

佛

列傳 胗

召子欲往子路曰昔者由也聞諸夫子曰親

於其身爲不善者君子不入也佛胗以中牟畔子之往
也如之何子曰然有是言也不曰堅乎磨而不磷音不
曰白乎涅列而不緇吾豈匏瓜也哉焉能繫而不食

佛胗晉大夫趙鞅之家臣也中牟趙氏邑也據邑叛
趙鞅也時晉定公十五年趙鞅責衛貢五百家于邾

鄆大夫趙午遂殺之。大夫士吉射與荀寅救之。相攻。春秋書曰：晉趙鞅入于晉陽以叛，荀寅、士吉射入于朝歌以叛，是也。佛肸據中牟，正當此時。先是魯季孫意如逐昭公，居晉乾侯。趙鞅受季孫賂，不肯納公。昭公遂卒于晉。事見春秋傳。則趙鞅者，晉之叛臣，亦魯之寇仇也。時晉公室卑，不啻魯而六卿強過三桓。趙鞅狡黠甚于季孫，以魯先世忠厚，子孫僭禮樂，馴致大夫叛公室，陪臣叛大夫，而不能禁。況晉自重耳詐力，稱霸子孫，世受諸侯朝貢，比于天子。其大夫叛公室，陪臣叛大夫，宜爾。如有王者起，魯三桓、晉六卿皆

不待教而誅者。苟公山佛肸。真有忠義之心。上格五
廟。下對國人。一舉而萬全。剪強臣。張公室。則周公康
叔。實式臨之。夫誰曰不可。時夫子去魯。居衛。佛肸使
人來召。昔柳下惠謂伐國不問仁人。而夫子于叛人
之召。無拒辭。無難色。此守常執節之士。所以駭而疑
也。子路于此。想亦不悅。而懲于向者公山之間。率爾
未達聖意。故于此從容執所嘗聞請教。亦卽向者不
悅之本心也。親身爲不善言。與脅從波及者異也。入
卽脅從矣。子曰。然。然其所言有理也。曰。有是言。自任
已嘗有是言也。不曰者。反前之辭。前言君子當以堅

白自守。爲恐磨涅。而獨不白。堅有不磨。白有不涅者。手磷破也。猶考工記。雖敝不甌之甌。或云磷。薄石也。濕黑汁也。緇。黑色也。澆澆者。易缺。磨則無不磷。不磷者。無體之堅也。皎皎者。易汙。涅則無不緇。不緇者。無色之素也。匏瓠也。瓜亦匏類。二物柔脆。言不堅也。易曰。以杞包瓜。象陰柔也。繫藤蔓也。匏瓜塊然無知。而自繫累。隨人剝削耳。不食。謂匏瓜不能使人不食也。蓋有匏瓜。自有藤蔓。不能禁人摘取。若夫至人神明不測。無所係累。豈如匏瓜取之。卽攜拉之。卽碎者乎。蓋大道無方。大虛無象。無方之方。百方轉移。無象之

象諸象發揮。堅無形。故堅不可攻。白無色。故白不可染。莊周云。至人入水不溺。入火不焚。此也太抵天下善惡邪正之理。從違順逆之途。紛拏千變。惟聖人能委蛇從心。無所凝滯。卽如叛主非臣。而叛叛主之主。其叛亦異。叛人之黨不可入。而入不與同黨。入亦何傷。堅白不可磨涅。而亦有不畏磨涅之堅白。匏瓜以繫被食。而亦有無繫不可食之匏瓜。恒人有物有我。執形器爲用。故尋途守轍。惟聖人忘我忘物。故變通無疑。雖世路荆棘。而坦然行于無轍之途。出乎不扃之戶。矩從心欲。命自我造。權由我設。機隨我轉。故曰

宇宙在手。造化生身。所以爲無可無不可也。

堅貞潔白。士君子自宜如此。不曰者。更進之辭。不善之黨。不入焉。愛惜堅白。亦爲力量正。此非其至者。未有堅不畏磨。白不受染者。不磷不緇。指道體言也。聖人與道爲一。易所謂退藏于密。寂然不動。感而遂通天下之故。不殺之武象。帝之先也。人欲磨涅如燒空。唾天其何能及。所以怒古不毀萬象。森羅道之體也。聖心無繫累。故官止神行。舒卷自如。恒人有所繫累。故動嬰世網。如匏瓜藤蔓。隨處牽引。蠢然贅累之贅。受人剝削。淹以爲菹。惟其有所繫。待人食而後人食。

之夫物烏有有繫而不受箝制者哉若能以無繫累
之心應天下之務寸絲不掛萬里神行如郢人運斧
成風聖盡而鼻不傷非天下至神孰能與于斯磨之
愈堅涅之愈白何不善之不可入乎匏瓜二句上下
畧斷上句聖人自表下句搃物理感歎以明已之無
私舊作一直讀下吾豈焉能意未免重複

堅白之說自古有之物有堅者堅自是堅物自是物
白者亦然如金石皆堅金堅非石堅鳥獸皆白鳥白
非獸白之類莊周云南方之墨者以堅白同異之辯
相訾又云公孫龍合同異離堅白告子亦以白論性

荀卿云堅白同異之辯入焉而弱夫子借以喻有形之堅白與無形之堅白亦異也○匏之種類不一長而瘦上者曰瓠短頸大腹者曰匏細腰者曰蒲盧又名果贏果贏土蜂也瓠腰細似之中庸云政也者蒲盧也瓜蒞保屬木實曰果草實曰蒞果有殼蒞無殼與裸通匏瓜皆蒞類也天官書有星亦名匏瓜在河鼓東客星守之則魚鹽貴或以星繫于天不可摘解非也

韓非曰中牟三國之股肱邯鄲之肩髀也趙簡子伐邯鄲佛胥以中牟叛蓋扼其要地○烈女傳云趙鞅

取中牟執佛肸母將加罪對曰妾聞子少而慢者母之罪也長而不能使者父之罪也今妾之子少而不慢長又能使妾何負妾聞之子少則爲子長則爲友夫死從子妾旣爲君長子君自擇爲臣今在論中此君之臣非妾之子君有暴臣妾無暴子非妾之罪乃免其母按母言如此則其子非甚不肖者與公山弗擾不忘宗國皆有義氣而輕率者耳是時夫子失魯司寇居衛距晉甚邇生平足跡不涉晉境佛肸召則欲往未幾趙鞅召則不往說苑謂趙鞅召夫子將害之得非以佛肸之故邪其人險毒如此佛肸之叛有

所以致之

子曰由也女汝聞六言六蔽矣乎對曰未也居吾語女
好仁不好學其蔽也愚好知不好學其蔽也蕩好信不
好學其蔽也賊好直不好學其蔽也絞好勇不好學其
蔽也亂好剛不好學其蔽也狂

不曰六德曰六言者浮慕其名則德皆是言言者空
名也實加學問則言卽是德德者真得也契慕其美
深造其實詳究事理依據程法則節好卽學矣好學
則其益無方衆美兼得不學徒好虛見而已故曰仁
者見之謂之仁知者見之謂之知君子之道鮮矣有

所好必有所不好有所見必有所不見故曰蔽也勇
者喜擔任而體驗功疎故夫子多爲之目丁寧以致
其詳而補其疏畧也。要之仁知勇三德一好學足矣
居坐也禮侍于君子有問則起而對子路起夫子命
復坐也。仁者愛人不學則明爲愛掩曰愚如樊遲未
達知人愛人宰我問從井救人之類是也。知者明察
不學則窮高極遠汎濫無歸曰蕩如子張問十世可
知之類是也。信者無欺不學則涇涇信果無通變之
識妨人害事曰賊如尾生與婦人期于梁下水至而
死之類是也。直者無隱不學則急促不容曰絞如直

躬證父攘羊之類是也。勇者無懼，不學則陵暴犯上，曰亂如羿焉，弒君之類是也。剛者不屈，不學則躁率放肆，曰狂如原壤母死而歌，見夫子而夷俟之類是也。凡德有一卽美，況六美兼得。凡蔽有一卽害，況六蔽叢生。其要皆係乎學與不學。學則美無窮，不學則蔽無窮，人可不學哉。

易數以六爲陰蔽，陰意也。一言猶一字也。六字六蔽，錮蔽之甚也。六言兼五常遺禮義何也。仁之道大，知之用廣，信之體執，故好須用學，而禮者中正之節，義者裁制之宜，復禮卽是克己，從義卽是崇德，直而無

禮則絞。勇而無禮則亂。君子有勇無義爲亂。小人有勇無義爲盜。纒涉禮義卽便是學。好學卽是好禮義。非遺之也。子路爲人直勇剛。六言所重在此。剛主志。勇主氣。戒子路持志勿暴氣也。子見南子往公山則不悅。此類見其直。有聞斯行。不稟父兄見其勇。羣居行行。片言折獄。從政必果。見其剛。

家語子路初見夫子。子曰。汝何好樂。曰。好長劔。子曰。非此之問也。謂以子所能而加以學問。豈可及乎。子路曰。學有益哉。子曰。木受繩則直。人受諫則聖。受學重問。孰不順成。毀仁惡士。必近于刑。君子不可不學。

子路曰南山有竹不揉自直斬而用之達于犀革何學之有子曰括而羽之鏃而礪之其入之不亦深乎子路再拜曰敬受教

子曰小子何莫學夫詩詩可以興可以觀可以羣可以怨通之事父遠之事君多識於鳥獸草木之名

小子謂初學輩學詩與誦詩異誦者記其辭學者習其事也以用也資藉之意感動曰興由歌詠得也考鏡曰觀由美刺得也和衆曰羣處常也悲憤曰怨處變也二者由溫柔得也通謂家庭遠謂天下國事父事君由敦厚得也鳥獸如關雎麟趾之類草木如卷

耳樞矢之類識其名目由文辭得也詩備夫婦兄弟朋友而不及者惟君父爲大也六經皆至教獨詩之爲言也長言之也知者深入解頤愚者巽言亦悅故可以感人而便與其美刺詳明故可以考見得失其性情溫和故不乖忤而可羣其志意忠厚故無嫉妬而可怨其人多忠臣孝子故事君父取之咸備其託物比喻多草木鳥獸之名亦足以廣見聞所以小子不可不學也

此聖門學詩之明法世儒言詩專言樂樂惟可以興之一義詩獨頌爲樂歌風雅亦有爲樂作者有不爲

樂作者美善刺惡獻可替否聖人刪訂以存治亂之
跡昭法戒也其言溫厚和平故皆可以合雅樂協管
絃而逆其志誠其辭使人意思溫良善念發興興者
性之動也學詩之要也觀羣怨事君父皆由興得方
是學詩不然六經皆可以也興非託物之謂託物則
爲比詩有興猶易有象象在辭外興亦在辭外故能
動人若但託物爲興則賦比不可以興乎孟子云說
詩者不以辭害志以意逆志是謂得之興之謂也故
學詩興爲先世儒誤以比爲興經解所謂或失則惑
者矣可怨可羣惟其性情中和樂而不淫即可羣哀

而不傷即可怨非必螽斯乃羣小弁乃怨也事父事君惟其性情敦厚以爲子則孝以爲臣則忠非必陟岵事父四牡事君也夫子脩春秋與刪詩相爲表裏治亂之跡相爲終始春秋是非微婉全用詩人美刺之法故曰不學詩無以言孟子謂詩亡然後春秋作即可興可觀可羣可怨事君事父之義二十篇中言他經不過一再惟言詩十有三興起後學莫善于詩也至古詩變而近體作揚材使氣風雅絕響而詩壞故春秋變而世史作逞胸臆挾私毀譽而史亦壞以至口舌招冤因詩成獄豈聖人教小子之意烏獸草

木本異類。識其名目耳。非如後儒所謂卽物窮理也。爾雅附會。往往舛迕。山海經窮奇。半涉虛誕。莫不借口多識。今計詩中鳥獸草木。不過數十種。聖人以爲多矣。奈何更加緣飾。比興貴目前。至近易曉。必無異方幽怪之物。如睢鳩卽布穀。而猜度爲水鳥。王雎騶虞。本官名。而穿鑿爲白虎騶牙。豈詩人託寓聖人雅言之教。乃詭稱鳥獸草木之學。失傳今本草。具在神農託始。數千年來。醫方按試。尚有誤而殺人者。異類無情。非天生命名。又非各物能自言其名也。如天文列宿。古聖觀象耳。今謂星有官職宮垣。似先有人而後

有星者緯裨技術弔詭欺世類此非聖教不足深求
學者但知所知不窮其所不必知則多識之謂矣
○凡是非直者氣壯好惡明者辭決氣壯多忤辭決
多偏詩善惡非不明也美刺非不直也而其言閒雅
雍容彰而能闇直而能曲故委蛇變動無所往不合
學者學詩之性情處人則人無不宜學詩之志意處
事則事無不當聖人所以無可無不可惟其溫良恭
儉讓子貢謂綏來動和孟子謂金聲玉振皆無聲之
詩也故學莫要于知詩

子謂伯魚曰女汝為周南召邵南矣乎人而不為周南

召南其猶正牆面而立也與

周道始于文王二南皆諷詠聖化而作也然不言文
王言后妃何也言后妃皆文王也有男女然後有夫
婦有天婦然後有父子有父子然後有君臣夫婦者
人道之首故廉恥發于男女者最切禮義養于閨門
者最深男子主陽教而承藉之基始于室家士有志
正心脩身內無賢偶終覺寡助遇悍妻妒婦暗室屋
漏之中荒淫移志肺腑肘腋之近怨怍撻心出入交
謫耳聞目見觸境成滯自非豪傑根本先撥矣欲孝
敬親長式教子弟宜其家人不可得況治國平天下

乎故夫閨門者教之首也文王有聖德又得聖女爲配關雎以下皆言其壹範之美與文王共齊其家及于邦國者也文王之聖非有資于大妣而後化行然盛德濟美內外相成故身脩家齊而國治天下平也後王採輯其事叶之味歌合之管絃象之箚舞以爲射鄉食饗之樂使人皆知脩齊之要人倫之本自天子達于庶人同也今學者欲爲二南誦其辭釋其旨體之身心踐之室家隱微以求無媿于文王大妣方是真能爲二南者不然好色而不好德血氣未定喜怒任意妻孥之間苟可肆志將無不爲而廉恥彫喪

出對父母兄弟子女奴婢未免慙阻甚者嫉妒一生
恩怨反覆變態百出而禍患隨之矣所謂正牆面而
立者如此正猶對也面猶前也牆當前言無所往也
聖人教子繼體承家切要之訓學者宜書紳也

古本連上小子爲一章言詩雖相通而教子與教門
人定非一時宜別爲一章曰爲曰學皆實體之功而
爲更切以二南于詩尤要也所言皆文王教家之化
行于南國者也文王國于西土三分有二正在東南
之間不及北者紂都在北也周召皆岐周地名漢志
扶風縣東北有周城西有召城周爲周公邑召爲召

公邑周公治畿內召公布政南國及周有天下追頌
王化作此詩而文王未王故詩不屬雅又不可列于
侯國遂以首風化行王國者謂之周南達于侯國者
謂之召南周南詩十一篇召南詩十四篇皆對閨門
以及朝廷邦國家齊而國治者也

書傳稱夫子伯魚子思三世出妻孟子亦欲出妻雖
不足盡據然禮有出妻之條出妻子爲母之喪則古
人出妻常也其于夫婦之義嚴矣哉蓋天下莫愚于
婦人而人情莫暱于好內先王制禮防慮深遠後世
禮義不明身教不端致牝鳴家索流毒不可勝言詩

首二南易重咸恒有以也

按風首南者南方生育之鄉北方氣肅殺昔舜歌南風而治紂好北鄙之樂而亡子路鼓瑟有北鄙之聲夫子憂之故樂有南籥以合雅詩云以雅以南以籥不僭萬物相見乎南方故文明盛于南王化以南爲始所以首風也江漢文王首善地夫子師文王而甚思有爲于楚詩不列楚風二南卽楚也天運自北而南三代以後帝王多楚產聖人前知之故刪詩首二南篇終殷武亦爲服楚也後儒不識詩與春秋表裏之義妄謂春秋尊桓文擯楚爲夷千古耳食可笑哉

子曰禮云禮云玉帛云乎哉樂云樂云鐘鼓云乎哉
玉帛所以行禮然所謂禮者祇是玉帛而已乎鐘鼓
所以奏樂然所謂樂者祇是鐘鼓而已乎人可以深
思矣仲尼燕居謂子張曰師爾以爲必鋪几筵升降
酌獻酬酢然後謂之禮乎爾以爲必行綴兆與羽籥
作鐘鼓然後謂之樂乎言而履之禮也行而樂之樂
也與此章意合不惟玉帛鐘鼓不可當禮樂卽禮樂
亦不可執以爲禮樂也記曰天高地下萬物散殊而
禮制行矣流而不息合同而化而樂興焉禮者天地
之別也樂者天地之和也又曰禮樂之極乎天而蟠

乎地行乎陰陽而通乎鬼神窮高極遠而測深厚樂
著大始禮居成物著不息者天也著不動者地也一
動一靜者天地之間也故聖人曰禮樂云此之謂也
聖言不直指而但使人深思其旨廣大精微無時無
處無禮樂可默識而不可言述若作歇後語解非也
直作和敬解亦非也道莫大于禮樂樂卽禮禮樂卽
道道不可須臾離卽禮樂不可斯須去記云樂動于
內禮動于外中心斯須不和不樂而鄙詐之心入之
矣外貌斯須不莊不敬而慢易之心入之矣不可斯
須去者合外內之道也二十篇中言禮卽言樂言學

多言禮中庸一篇傳夫子雅言之教執禮卽執中故
曰中者天下之大本大本立達道自行學者欲知禮
樂之云須理會中庸透徹卽知禮而樂在其中矣後
世言禮樂如馬季長鄭康成輩區區名物度數失聖
人義以爲質之意佛老之徒王劉嵇阮之輩土苴名
法爲禮樂之蠹而其號爲儒者自謂知禮樂以中庸
大學爲道離禮孤行使學者迷失本宗不知禮樂之
云又何責于二氏乎

禮庭實旅百惟玉帛將命特達樂八音交唱惟鐘鼓
爲衆音綱領故獨舉之

玉見第九篇。周禮大宗伯以玉作六瑞。王鎮圭。公桓圭。侯信圭。伯躬圭。子穀璧。男蒲璧。以玉作六器。禮天地四方。天蒼璧。地黃琮。東青圭。南赤璋。西白琥。北玄璜。又典瑞職。瑑圭璧璋琮以規聘。刻文曰瑑。篆○帛。繒也。有五色。束帛而加璧于其上。行人親執以將命也。周禮小行人六幣。帛以璧是也。虞書云。脩五禮五玉三帛。謂朝覲五等諸侯之玉。三等國之帛。皆行禮之物也。○世本云。倅作鐘。金音也。周禮鳧氏爲鐘。春官鐘師掌金奏。凡樂事以鐘鼓奏。九夏釋名云。鐘空也。空內受氣多。故其聲大。鐘大者重千石。大鐘曰鐘。

特縣者曰鈔。編縣者曰編鐘。編鐘十六同一簏。凡金之爲器有六。皆鐘屬。曰鐘。曰鈔。曰鐸。曰鐃。曰鐸。曰鐃。風俗通云。鐘者秋分之音也。樂記云。鐘聲鏗鏗以立。橫。橫以立。武。君子聽鐘聲。則思武臣。○少昊氏始作鼓。革音。風俗通曰。鼓者郭也。春分之音。萬物鼓甲而出。謂之鼓。周禮鞀運人爲臯陶。臯陶謂鼓匡也。冒鼓必以放蟄之日。象雷發聲也。夏后氏鼓四足。曰足鼓。商人柱貫而植之。曰楹鼓。周人懸之。曰懸鼓。大司徒有鼓人。掌六鼓。雷鼓以祀天神。靈鼓以祀后土。路鼓以祀宗廟。鼗賁鼓以行軍。鼗高鼓以勸工。晉鼓以作

樂小鼓曰應。又曰擘。應。又曰擊。皮一作鞞。有柄曰鼗。
一作鞞。又作鞞。又作鞞。大鼓曰鼗。樂記曰。鼓鞞之聲。
謹。謹以立動。動以進衆。君子聽鼓鞞之聲。則思將帥
之臣。

子曰。色厲而內荏。譬諸小人。其猶穿窬。俞之盜也。與。
當世在位者。倚權怙勢。爪牙暴戾。無愷悌之風。觀其
外貌森嚴。而探其中情。委靡利則歆。害則恐。何以爲
士大夫。殆衣冠中之小人。尤小人之穿窬。穿窬。卽
盜也。行同狗鼠。內虛怯而外爲剛強。荏怯弱也。可惡
處在內荏。惟其多慾。所以內荏。而其色厲。所以爲穿

窬也。君子正顏色，斯近信。中本無慾也。故志強而色
溫，臯陶陳九德，寬而栗，柔而立，內剛而外柔，爲泰。爲
君子，內柔而外剛，爲否。爲小人，小人瞞人，恐窺其內，
不得不防其外。若君子，內外如一，坦然蕩蕩，有何防
限，而作此面孔。

鑿孔曰穿，小戶曰窬。窬與竇，豆通。儒行曰：箠門圭竇。
春秋傳作圭竇，盜鑿孔入如圭也。

子曰：鄉，向，原，德之賊也。

鄉與向同，衆所向也。萬二千五百家曰鄉，人衆莫如
鄉。依倣曰原，如漢書原廟之原。鄉原者，衆意所向，輒

德似之也。大道不越世。聖人不絕俗。中唐之至德也。
鄉原謂生斯世也。爲斯世也。善斯可矣。適與中行似。
而高世獨行者反不及焉。所以爲德之賊。賊猶盜也。
德之賊與上小人之盜異。穿窬避罪。鄉原釣名。穿窬
匿已。鄉原欺世。穿窬自知爲小人。鄉原自信爲君子。
故色厲內荏者。乃小人中之穿窬。鄉原爲德中之賊。
大盜曰賊。小盜曰穿窬。孟子以鄉原與狂狷並形。與
中行爭驅。粧演逼真。關係學問。道德非據。一入一事。
名也。忠信廉潔。真僞祗爭毫髮。如佛老子聖人相違。
天壤而相似處。甚迫。陸子靜謂漢文帝亦只學得鄉

原非謂漢文帝不賢也。謂鄉原儘有事業。除却聖賢無能免此。齊桓公管仲足以當之。若一言一行小知小術。博取微名。祇得鄉原一體。萬章謂一鄉皆稱原人。從起脚處。粧演至無所往。不爲原人。則盡邦國天下矣。不離鄉人而能使邦國天下無不稱。方完成鄉原。所以爲德之賊。朱子謂爲鄉里謹厚之人。則其狡猾何至如孟子所云。苟不至如孟子所云。不足爲德之賊。春秋傳云。敗則爲賊。爾雅食苗節曰賊。言爲害之甚也。

子曰。道聽而塗說。德之棄也。

道路也。塗卽道也。聞善貴默識。方從道路。聞彷彿聽。聞未經參究。前塗不遠。早已勦說。此等人無沈潛之思。雖嘉言善行。不爲己有。故曰德之棄也。非謂說便棄。爲其不涵泳思索也。多識所以蓄德。含養蘊藉。乃爲己有。入耳出口。何能有得。荀卿云。君子之學也。入乎耳。著乎心。布乎四體。形乎動靜。端而言。蠕而動。皆可以爲法。則小人之學也。入乎耳。出乎口。口耳之間。財四寸耳。曷足以美七尺之軀。淮南子云。內不關于中。而強學問者。不入於耳。而不著於心。此何異聾者之歌也。效人爲之。而無足以自樂。聲出口。則越而散。

矣皆本此意

子曰鄙夫可與事君也與平聲哉其未得之也患得之既得之患失之苟患失之無所不至矣

鄙陋也孳孳爲利所以爲鄙夫與謂用人者與也用人者當爲君擇人君亦當自擇也與哉者審量之辭得謂得位患得患難得也用人者勿使之得可也一使之得彼必患失將無不爲此與者不審之過也蓋旣得則勢便凡非禮非義投君之欲固已之寵雖使其君爲桀紂幽厲不暇顧矣關係君身故曰不可與事君朱註謂吮全上聲癰舐視上聲痔此小人行已無恥

未涉君身又云弑父與君鄙夫不逮此如莽操巨奸
正須仗義欺世不作鄙夫飽煖勾當彼如狼此如狗
子曰古者民有三疾今也或是之亡無也古之狂也肆
今之狂也蕩古之矜也廉今之矜也忿矣古之愚也直
今之愚也詐而已矣

世道日降今不及古勿論古人佳處雖古人病處亦
不及矣古者風氣渾朴習尚忠厚加以教化作養如
唐虞九德成事臯陶云直而溫寬而栗之類皆中行
完美其或資稟之偏無惡俗漸染天真尚在春秋以
來教化替于上風俗壞于下中行絕望狂狷亦不可

得矣。狂所以疾者，爲其肆也。肆者有防閑而不屑爲此區區云爾。今之狂則并防閑亦掃蕩矣。大道通方本無矜持。矜所以疾，惟其分別過甚，露圭角而少圓融云爾。今之矜則忿怒而乖戾矣。上智神明，古人亦有不明而爲愚者，惟其知不足，徑情直遂，是以爲愚。若今之愚，內懷機巧，外爲癡騃，人信以爲愚而不知其愚也。正其所以爲狡黠之至也。愚與詐尤相反而已矣者，甚之之辭，則并狂與矜亦有假肆爲蕩，廉爲忿疾者矣。凡人身陰陽調則無疾，二氣偏淫疾乃生。狂矜愚疾也，肆廉直疾之本症也。蕩忿疾詐則疾

之變而為怪症也本症易藥怪症難治

子曰巧言令色鮮矣仁

解見學而篇記者各記所聞此因古疾今亡類記之
子曰惡紫之奪朱也惡鄭聲之亂雅樂也惡利口之覆
福邦家者

大道不分彼此聖心原無作惡天下自有邪正之途
則仁人自有好惡之公如朱乃日與火之正色大赤
為乾南方陽明之象也以黑入之則變朱為紫黑者
大陰之色以陰奪陽是所惡于紫也雅樂中和平澹
鄭聲放濫以並奏則雅反為所揜不若淫哇者之悅

耳所惡于鄭聲此也人主開國承家四維鞏固小人
利口顛倒是非舉安寧之邦家反覆搖蕩則所惡于
利口之爲人者也覆反也如反覆手播弄之狀也者
與這同猶言此等人也大抵色離形聲又離色攙和
夾雜最難分辨利口以紫爲朱以鄭爲雅惟視于無
色聽于無聲者能辨之

說者謂紫色艷人喜之其實朱色鮮于紫爲紫棄朱
非人情所以惡者爲黑汁一入成紫遂失却朱故曰
奪也鄭聲謹噪與雅並作雅被其雜亂然雅尚在未
似朱奪去但不分明耳故曰亂也邦家有社稷人民

利口未便覆得爲他。搖唇鼓舌，播弄不安。人主若以朱紫不分之目，雅俗混淆之耳，聽信此等之人，未有不敗者矣。此章意不主疑似，所惡在奪與亂。與覆色奪目，聲亂耳。小人惑心志，三邪同類，惟奪惟亂，正道乃反苟視，不能奪聽，不能亂則正道常明。豈小人所能反覆乎？以聲色形小人故，末語特加一者字。利口卽佞人而尤甚，佞亂義猶依附道理。利口亂信全不根心。徐幹云：利口者心足以見小，數言足以盡巧辭。給足以應切問，難足以斷俗疑，好說而不倦，謀諛如也。魯少正卯言僞而辨，記醜而博，順非而澤，魏夏侯

玄志大其量能合虛聲而無實才何晏言遠而情近
好辨而無誠乃所謂利口覆國之人也

五方色東青爲木南赤爲火西白爲金北黑爲水中
黃爲土五者相生皆正色也以木克土青黃合成綠
以金克木白青合成碧以火克金赤白合成紅以水
克火黑赤合成紫以土克水黃黑合成駟故五者爲
間色不正也○鄭聲詳十五篇顏淵章

子曰予欲無言子貢曰子如不言則小子何述焉子曰
天何言哉四時行焉百物生焉天何言哉

道以言傳聖人不能易然言以言乎道耳道在言表

非言所及。如指指月。指非是月。執言爲道。執指爲月。祇益其迷。子云。予欲無言。斷學者執言之路耳。子貢善言。故警之。小子。門人也。無言何述。亦實語。但述有所述。不在言。如視指所指。不在指。故夫子以道體示之道。統于夫人。生日用。莫非天也。人在天中。如魚在水中。耳目肝膽。皆是衆人。囿于天。而不知。聖人身與天合。語默動靜。皆天。故曰。順帝之則。不勉而中。不思而得。天之道也。天無言。四時自行。百物自生。流行活潑者。卽道也。聖人無言。時語。時默。時動。時靜。千變萬應者。卽道也。天也。聖人也。一也。故曰。吾無行而不與。

二三子者是丘也豈待言而後顯無言而遂晦苟不
言而躬行常如四時百物則天自不違矣蓋形色卽
是天性目視耳聽手持足行愛親敬長觸處現成易
云默而成之不言而信存乎德行夫人亦行之而已
矣詩云如匪行邁謀是用不得于道故曰四時行百
物生天何言哉此易簡之理顯微無間吾無隱乎爾
正謂此也

孔子閒居曰天有四時春夏秋冬夏風雨霜露無非教
也地載神氣神氣風霆風霆流形庶物露生無非教
也正與此同造化所以行生惟其自然無心人心若

滯在一處。故與造化不相似。惟虛可以合天。語言
度轉增滯礙。禪語云。嬾費言語。惟日夜煩萬象。教
纔涉唇吻。卽墮言詮。離言語文字。是爲真入不二法
門。皆蹈襲聖人之旨。聖人無言。非有意不言也。天無
言。聖人焉容不言。欲言不可。欲不言亦豈可。欲言多
一言。欲不言多一不言。故曰。無可無不可。遇子貢無
言不爲少。遇顏子終日言不爲多。禪語云。衆人若能
以無心愛。無慧慧。吾當以無言言。亦蹈襲聖人之意。
○子欲無言。正是不須得言。子貢依舊饒舌。只得與
言。天若更轉。向時行物生處。覓天轉向語。默動靜處。

竟夫子依舊非畢竟何處是曰予欲無言

莫我知向子貢說欲無言亦向子貢說則子貢似知
音者故云夫身之言天道不可得而聞也不知而知
惟天無述而述亦惟天畢竟天何物譬諸鏡四時百
物夫子子貢俱是影將鏡照鏡鏡亦是影鏡不自照
故名爲鏡

孺悲欲見孔子孔子辭以疾將命者出戶取瑟而歌使
之聞之

孺悲魯人也雜記云恤由之喪哀公使孺悲之孔子
學士喪禮當時必有不率教者故夫子於其來見辭

之然陽貨可見南子互鄉童子可見何獨孺悲不可
本欲曲成之恐其不悟故鼓瑟使聞正是用情篤至
天地父母之心也

宰我問三年之喪期著已久矣君子三年不為禮禮必
壞三年不為樂樂必崩舊穀既沒新穀既升鑽燧改火
期可已矣子曰食夫稻衣夫錦於女女安乎曰安女安
則為之夫君子之居喪食旨不甘聞樂不樂居處不安
故不為也今女安則為之宰我出子曰予之不仁也子
生三年然後免於父母之懷夫三年之喪天下之通喪
也子也有三年之愛於其父母乎

先王制禮爲限制以齊民俗使萬世共守之先王以爲人心不可見而節文可據故其制一定而不移如喪禮以哀爲主其斬齊功總三年朞月皆定制也親始死孝子勺水不入口三日旣殯居倚廬服三升布衰始食粥三月旣葬受以成布疏食期年小祥服練始食菜果居堊室再期大祥服緇始食醯醬又間一月而禫服除始飲醴酒食乾肉凡此皆定制也在仁人孝子用情罔極非三年可盡若薄夫俗子全無此禮約束春秋時三年喪不行諸侯親死在殯而讎侯盟會親迎則卿大夫可知矣晏子親喪寢苦枕草人

異之則士庶人可知矣。飲酒食肉處內，一切無檢
久可知矣。而乃以先王之制爲虛文，以三年衰殯
食水飲爲不近情。蓋君子居喪，情文備至，小人勉爲
三年虛文無實。故宰我有爲期之請，亦猶魯不告朔
而子貢請廢羊也。聖人豈不知古道久虛，然揆諸天
理人情，萬不可改。論禮之情，雖不以衰殯哭踊爲至
而守禮之制，豈得遂以食稻衣錦爲無害乎。宰我謂
崩壞之禮樂，正是食稻衣錦之類。如祭祀燕享嫁娶
王帛之禮，鐘鼓之樂，而仁孝實心爲禮樂之本。夫子
直以世俗所共迷者醒之，宰我亦據世俗所共蔽者

應之故。夫子於其出而深責宰我，卽以傲世俗也。當世居喪者，往往食稻衣錦爲習俗所蔽，若反思生我之恩，良心必自不安。是先王制禮作樂之本也。人苟不昧此心，自不忍爲食稻衣錦之事。自信三年之喪不容已，何難行之足慮，而爲苟且遷就之說哉。今不講于禮之情，而徒見禮之文，但知宰我之議爲過薄，而不知聖人行禮之心，以三年不食稻衣錦爲孝子，而以身被衰麻爲善居喪。苟不反諸仁愛之良，猶之夫短喪者耳。讀此章之言，要在得孝子之情而已矣。

○三年二十七月也。喪失也。失物曰喪。孝子不忍死。

其親如親尚在而亡失云爾。周一年曰期。期者復其時也。不爲禮。如不嫁娶之類。物久自破曰壞。不爲樂。如不御琴瑟之類。崩裂也。樂不合曰崩。穀百穀也。沒盡也。升登也。燧取火之木。食以稻爲美。衣以錦爲重。旨美味也。居坐也。處息也。懷抱也。

宰我聖門高弟。何至欲短喪。在庸衆有此心。未敢言。宰我直請。亦可見其狂簡。及被夫子心安之詰。在庸衆必包藏不吐。宰我自任。亦可見其愚直。彼所謂期年者。乃是真不安之期。年所欲短者。乃是世俗三年之虛喪也。檀弓云。魯悼公之喪。孟敬子曰。勉而爲瘠。

則吾能母乃使人疑夫不以情居瘠者乎哉我則食
食樂正子春母死五日不食曰吾悔之自吾母而不
得吾情吾惡乎用吾情漢戴良母喪兄伯鸞居廬啜
粥非禮不行良獨食肉哀至乃哭二人俱有毀容或
問之良曰禮所以制佚也情苟不佚何禮之論食旨
不甘固致毀容之實若味不在口食之可也卽宰我
之見要之不可爲通義女安則爲之非教之爲也猶
吾末如之何之意亦不屑之辭

喪服有五一斬衰儀禮曰斬衰苴經杖絞帶冠經屨
菅干履傳曰斬者不緝也苴經者麻之有黃者也苴

然大攝无左本在下去五分以為帶直杖竹也杖者
輔病也次二齊谷衰儀禮曰疏衰裳齊牡麻經冠布
纓削杖布帶疏屨傳曰齊緝也牡麻泉洗麻也牡麻
經右本在上冠者沾功也疏屨者蕉蒹好蒹之扉費也
削杖桐也齊衰有三年者有一年者有一年不杖麻
屨者有三月者恩輕而分尊者之義服也次三大功
儀禮曰大功布衰裳牡麻經纓布帶三月受以小功
衰即葛九月傷曰大功布九升小功布十一升謂布
纓功處大于小功也斬三升不稱布齊布四升不稱
功大功布九升稱功而處曰大又有殤大功死者情

禮記卷之七
喪服第七

重服本斬齊而以幼降。或九月。或七月。服與正大功同。而但以本衰終喪。不似他服既葬易輕也。儀禮云。無受是也。夫四小功。儀禮曰。小功布衰裳。澡麻。經節葛。五月布縷。功細于大功。多二升。故曰小也。澡麻。牡麻之洗治者。卽葛謂三月既葬。以葛帶。易麻帶。終五月之限也。又有殤小功。爲死者本服期以下而幼降。與小功同。但既葬不易葛。以麻帶。終限爲異耳。又有總衰。諸侯之大夫所以服天子者。亦小功布。但既葬卽除異耳。次五總麻。儀禮曰。總麻三月。傳曰。總者十。五升。抽其半。有事其縷。無事其布。曰總。總絲也。言縷。

細如絲以爲衰裳麻經故謂總麻十五升去半六百
縷也縷少于小功布者此細而加洗治也。有事請洗
治洗其縷不洗其布。以上五服生于五親喪服小記
曰親親以三爲五以五爲九上殺下殺旁殺而親畢
矣身父子爲三由父以親祖由子以親孫以三爲五
也由祖以親曾高二祖由孫以親曾玄二孫以五爲
九也九者三其三代也中三代上三代下三代曰九
族也五服遞減曰殺親漸疏服漸減身以上父斬衰
三年祖父齊衰期年高曾祖齊衰三月此上殺也身
以下爲長子斬庶子齊期適孫大功曾玄孫總麻下

殺也身以旁同父親兄弟齊期同祖從兄弟大功同
會祖再從兄弟小功同高祖三從兄弟總麻旁殺也
高祖之外上下旁皆無服故曰畢矣大傳曰四世而
總服之窮也五世袒免殺同姓也六世親屬竭矣四
世卽同高祖者同父一世同祖二世同會祖三世同
高祖四世服至總而盡故曰窮也高以上五世曰同
姓無正服有喪則弔送哭踊袒衣免冠加布而已免
如今俗白布纏頭之類六世親屬雖竭而袒免同凡
袒免無服之服也此以上皆古禮今制五服同而隆
殺小異

燧取火之木。莊子云：木與木相摩則然，木中有火。鑽之則發。古聖人上觀星象，下察五木，鑽木取火。炮生為熟，使人無腹疾，以遂人之性情。曰燧人氏。周禮司燿，黃掌行火之政。令四時變國火，以救其疾。革其故而取其新，則火不為災。春行木令，鑽榆桺，其色青。木之火也。夏行火令，鑽棗杏，色紅。火之火也。季夏行土令，鑽桑柘，色黃。土之火也。秋行金令，鑽柞櫟，由色白金之火也。冬行水令，鑽槐檀，色黑。水之火也。一年四改火，用莫切于水火。水害少，火災多，故火必數易。倉藏冰，開冰亦調變之一事也。秦漢以後從簡，惟春一

改火以建辰之月。火星昏見于辰方。司燿季春出薪。火令民家盡熄舊火。此清明寒食所由名也。東漢禮儀志云。夏至浚井改水。冬至鑽燧改火。取陽始生。歲惟一改火。非古矣。○隋書王劭云。聖人作法。豈徒然。晉時有以洛陽火渡江者。相續不滅。火色遂變青。晉師曠食飯。云是勞薪所爨。平公使視之。果車輞也。今溫酒炙肉。用石炭柴火。竹火草火麻荻火。氣味各不同。以此推之。新火舊火。當有異矣。○淮南子云。冬至申子受制。木用事。火煙青。凡七十二日。戊子受制。土用事。火煙黃。亦七十二日。庚子受制。金用事。煙白。丙

子受制火用事煙赤。壬子受制水用事煙黑。亦各七十二日。則是火煙四時亦異矣。○二十八宿心星爲天之大火。辰戌二位爲火之墓。季春心星昏見于辰而火出。令民間出火以宣其氣。于時雖烈山焚萊不。禁也。季秋心星昏見于戌而火入。令民間納火以息其氣。于時雖鑠金焚堆有禁。故禮凡國夫大野焚萊則刑罰。春秋傳鄭鑄刑書。火星未出而出火。後乃。災。○天晴取火以金燧。天陰取火以木燧。故內則云。左佩金燧。右佩木燧。周禮司烜以夫燧取明火于日。以鑿取明水于月。註云。夫燧陽燧也。鑿卽陽燧鑿鏡。

也一名釜燧一名方諸日高三丈以鏡向日燥艾承
之有頃艾焦得火又以水晶大珠當午置日中以草
紙或艾承之得火則是方諸取火亦取水水晶亦可
取火日月同氣坎離一體也○稻滔也宜水得名于
五穀最貴故以對錦儀禮大夫餼惟梁黍稷無稻禮
記稻曰嘉蔬五穀重禾麥也○錦織絲爲之光麗如
金故字从金或曰價重如金也翻鴻走龍迴鸞舞鳳
古錦之文也

子曰飽食終日無所用心難矣哉不有博弈亦者乎爲

之猶賢乎已

飽食言身安終日言時久無所用心謂心無桎泊之所悠悠蕩蕩如浪花風絮放而不求所謂心不在焉行尸走肉禽獸不遠矣故曰難矣哉曾不如六博與弈棋之人事雖無益而手有所執則心有所寄較無所用心者為猶賢也已止也猶孟子云於不可已而已之已聖人非教人博弈甚言無所用心之不可耳士君子操心制行進德脩業惟日孳孳豈可使心終日無所用乎釋氏頓教人死其心心何能死強制檢寂如以薪包火火乃愈燃若任放無羈是謂無用之心若博弈是謂任用之心則如何而可曰善用心者

使心常在內語默動靜素位而行入孝出弟誦詩讀
書非法言不言非法行不行此之謂善用其心故曰
學問之道無他求其放心而已矣心未可一息離舍
養生家云真人潛深淵其息以踵神馭氣氣留形常
相守也在聖人卽是知至意誠心正身脩心在身內
則成泰心在身外則成否故曰天地設位而易行乎
其中成性存存道義之門神氣忻合天地交泰養德
養身俱在其中

博戲局也一曰塞或作賽一曰搏菹搏舒也菹捕也
捕子而食之也今之雙六其遺法雙六三十馬博十

二馬以骨爲投子曰齒一曰矢湘中記云石子如樗
蒲矢是也上下四方六面有點各殊擲數行馬曰六
博大博用六子或五子小博用二子又曰格五曰五
木曰五白未詳其法擲子有梟盧雉犢梟爲最勝梟
卽么點得梟則食楚辭云成梟而牟呼五白晉制犀
比費白日註云倍勝爲牟五白卽博齒也博賦云齒
以爲號令卽投子也晉制工作也投子比集犀角如
白日光華費日光也博本作簿布也烏曹始作簿或
曰老子入胡作也史記蘇秦傳六博投擲相賽魏陳
思王始變作雙六名握槊之戲卽擣蒲也晉陶侃謂

擯捕爲牧猪奴之戲蓋惡之也○弈圍棋也三百六十一子相攻圍爲勝負字从升竦兩手執之也又弈者布散落弈之意紂作博弈或云堯舜作以教愚子此好弈者夸飾之說故王坦之以弈爲坐隱釋支遁謂手譚蓋好之也

子路曰君子尚勇乎子曰君子義以爲上君子有勇而無義爲亂小人有勇而無義爲盜

尚習尚也上者尊重之意勇者好上人然恃其血氣麤俚而反招辱貴者必爲亂賤者必爲盜風斯下矣好義則樂善循理溫良養德儀望尊重所以爲上

義去衆人所難而君子行之謂之有行有行之謂有
義有義之謂勇所貴勇敢者貴其能立義也正與此
同家語云子路治蒲見于孔子曰邑多壯士又難治
也子曰然吾語女恭而敬可以攝勇寬而立可以懷
羸變而恕可以容困溫而斷可以抑奸皆不尚勇之
意

先儒疑此章爲子路初見夫子時問答書傳稱子路
初見夫子戎服拔劍夫平設禮誘之遂委質受學竟
成名賢固聖教大治神工亦子路天資高邁心懷虛
懇生平有志希聖聞過則喜故能篤言可謂出谷遷

齊平古士林罕見其儔夫子嘗謂鄙夫問予我空空
如也我叩其兩端而竭焉僂家謂之點鐵成金此便
是一大公案

子貢曰君子亦有惡乎去聲子曰有惡惡稱人之惡者惡
居下流而訕山去聲上者惡勇而無禮者惡果敢而窒執
者曰賜也亦有惡乎惡微天以為知者惡不孫遜以為
勇者惡訐結以為直者

君子存心汎愛故子貢以有惡為問夫子所惡四事
須識其故天下豈少大逆無道之人顧獨舉此四者
何也大逆無道者罪狀昭然有公論王法在不必君

子然後能惡之。此四等人。瞽然自以爲是。而人不敢
非。見人之惡。不爲諱。已薄矣。又從而揚之。稱猶揚也。
喜譚樂道。此何心也。下流之人。其分卑。其行汙賤。如
市井。駟僮。倡優。輩無端毀謗賢士大夫。何其悖也。凡
人血氣勇猛。惟禮足以克之。尚勇而又不。知禮。則強
梁負氣。何所不陵。其人果敢好剛。少知變通。猶可與
計。更加固執。必垂張妄作。此四者。不仁不義。無禮無
智。聖人所惡也。子貢所惡。皆機詐之事。其人本無識
而微取他人之知。以爲已知。其衷本怯懦。而陵上傲
長。很愎不遜。讓以爲勇。本無是非之公心。而攻發人

隱以為直此三者不忠不信危險之徒不但似是而非也

戲謔曰訕微邀同抄取也邀取人之智歸己而沒其人與取諸人為善者殊也孫遜同退讓也不遜為人如今惡少侮人以為膽氣罵坐以為豪舉之類訐持人之短也即今告人陰事之類齊語謂之掉曉磬

譬曰唯女子與小人為難養也近之則不孫遜遠之則

怨
女子小人家國俱有僕婢臣妾之流也難養非無可奈何之謂傲人善處勿玩視而任情也恩義之間必

斟酌其可。先云近而後云遠。先云不孫而後云怨者。貴恩以懷之也。易遯卦之六三曰係遯畜臣妾吉。言係戀之私恩。以畜臣妾。則吉。養猶養不才之養。含容之也。若爲否之小人。惟恐不遠。何養之有。

子曰年四十而見惡焉其終也已。

見惡謂見惡于君子。人生三十而壯。四十而強。過此精力漸衰。故四十爲成德之年。見惡謂多罪過。不但無聞耳。其終者。料其無成。勉使亟圖也。